



徐文長文集

卷一至卷五

賦樂府 四五六言古詩

徐文長集序

元美于鱗文苑之南面

王也文無二王則元美獨

美采衣青衿揖王李控

藩李長鬚負而修下王冠



而體貌無奇異而囊
括無遺士所不能包者而
人頗偉之徐文長小貌之
湯若士也徐自詭江淹
遺湯藻筆意欲包湯

湯不應徵余讀余亦不
應囊空無士而晚乃包
瓠肥之表中郎所謂桓
譚者矣生余開龍月至
久之館中郎與陶周望

借來啖以珥良有楊家
果中卽揉梅染珥其章
赤白因問袁世文章誰
為第一陶睨袁匿笑曰
將無語長孺徐文長第

一耶袁曰如君之言豈第
二人乎且讓元美家鈍
賊第一耶偶清生耳屬
辟去衣各駭詫聲稍出
衣外袁起大索此者賊

黨可急逐之令僵死中
原白雪中未始知文長
囊有此士奉文長居然
南面王矣當是時文苑
東坡臨御東坡者天西

奎宿也自天墮地分身
者四一為元美身得其斗
背一為若士身得其燦眉
一為文長身得其韻之風
流命之磨蝎袁即晚降

得其滑稽之口而已借光
壁府散端布寶四子之
文章元美得燔豕用膠
之法若士得供石作字之
法文長得模書雙雕並搏

之法而中卽得醞釀真乙
酒之法取以調劑渚子獨
推文長文長遂為第一迄
評選傳真為第一矣無聞
而駭詫者矣第燒猪了元

和墨潘衡不甘僵死藉令
展天屏遮天溷接文長
之末光亦十六星之分身也
異日穎出於囊有利無鈍
人各媚其主耳不乃有南

北朝乎是余之調劑清
子也奎形似履屐屐復不
良於行文行遠者也
萬曆甲寅孟秋

錢塘虞淳熙長孺父

書樓山館



徐文長集序

今人見異人異書如見
怪物焉然天下之尋常
人多矣而竟已稱何也古
之異人不可勝數予所

知當世如素民悅唐伯
虎亦長次樵與山陰之
徐文長其以著者也唐盧
俱有奇禍而文長尤烈
按其生平即不免偏


宕已扶偻之不廣皆從
正氣激射而出如劍芒
江濤改復不可遏滅
其詩文與書画法標
之而行者也盡予不盡

見詩如長吉文岷嶽無
媚骨書以米顛而後
之散之過之要皆如其人
而出此予所為異也然文
長見知督府胡公胡公

被謬收文長亦以字騷
困危死而其詩文與書
画法與胡公一動伐至
今照鑠不與其人俱往
當時鄢趙諸人出若

邦世安可無異人如文友
者也鍾生端先嗜異人
常三復其集因得中
印帳中本遂喜而
校刻之

武林黃汝亨序



叅閱姓氏

餘杭嚴調御印持父

山陰張焜芳明卿父

山陰張煜芳光卿父

武林徐天牧字生父

錢塘李猶龍大白父

錢塘鄒之嶧孟陽父

錢塘聞啓祥子將父

豐干潘是仁詡叔父

錢塘陳雲渠濟甫父

仁和黃茂梧東生父

錢塘虞宗玫大赤父

錢塘葉國百里父

錢塘梅鼎和長倩父

休邑張懋辰遠文父

仁和江元禧邦申父

仁和陳觀顒子父

錢塘鄧明漢林宗父

仁和周之彬文伯父
休邑姚學孟浩之父
仁和周之楫汝作父
釋大方無隅 父

徐文長傳

同郡陶望齡撰

徐渭字文長山陰人幼孤性絕警敏九歲能屬文年
十餘倣楊雄解嘲作釋毀二十爲邑諸生試屢雋胡
少保宗憲總督浙江或薦渭善古文詞者招致幕府
筦書記時方獲白鹿海上表以獻表成召渭視之渭
覽罷矐視不答胡公曰生有不足耶試爲之退具藁
進公故豪武不甚能別識乃寫爲兩函戒使者以視
所善諸學士董公份等謂孰優者卽上之至都諸學

士見之果賞渭作表進

上大嘉悅其文旬月間遍誦人口公以是始重渭寵禮獨其時都御史武進唐公順之以古文負重名胡公嘗袖出渭所代謬之曰公謂于文若何唐公驚曰此文始輩吾後又出他人文唐公曰向固謂非公作然其人誰耶願一見之公乃呼渭偕飲唐公深獎歎與結驪而去歸安茅副使坤時游於軍府素重唐公嘗大酒會文士畢集胡公又隱渭文語曰能識是爲誰筆乎茅公讀未半遽曰此非吾荆川必不能胡公

笑謂渭茅公雅意師荆川今北面於子矣茅公慙慙而赤勉卒讀謬曰惜後不逮耳其爲名輩所賞服如此渭性通脫多與群少年昵飲市肆幕中有惡需者渭不得夜深開戟門以待之偵者得狀報曰徐秀才方大醉嚙豨不可致也公聞反稱甚善時督府勢重重文武將吏庭見懼誅責無敢仰者而渭戴敝烏衣白布澣衣直闖門入示無忌諱公常優容之而亦矯節自好無所顧請然性豪恣間或藉氣勢以所不快人亦畏而怨焉及宗憲被逮渭慮禍及

狂引巨錐刺耳刺深數寸流血幾殆又以椎擊其
碎之不死涓爲人猜而妬妻死後有所娶輒以媒
至是又擊殺其後婦遂坐法繫獄中憤懣欲自決爲
文自銘其墓曰山陰徐涓者少慕古文詞及長益力
既而有慕於道往從前長沙守季先生究王氏宗旨
謂道類禪又去扣於禪久之人稍許之然文與道終
兩無得也賤而情且直故憚貴交似傲與衆處不覺
袒裸似玩人或病之然傲與玩亦終兩不得其情也
舉於鄉者八而不一售僦數椽儲瓶粟者十年一旦

客於幕府典文章數赴而數辭投筆出門人爭愚而
危之而已深以爲安其後公愈折節等布衣留者兩
暮贈金以數百計人爭榮而安之而已深以爲危至
是忽自覓死人曰涓文士且操潔可無死不知古丈
士以入幕操潔而死者衆矣乃涓則自死孰與人死
之涓爲人度於義無所關時輒疎縱不爲儒縛一涉
義所否雖斷頭不可奪故其死也親莫制友莫解
平生有過不肯掩有不知耻以爲知斯言蓋不妄者
其自名如此然卒以援者力獲免既出獄縱遊公

此客於上谷居京師者數年獄事之解張官論元
力爲多涓心德之館其舍旁甚驩好然性縱誕而所
與處者頗引禮法久之心不樂時大言曰吾殺人當
死頸一茹刃耳今乃碎磔吾肉遂病發棄歸既歸病
時作時止日閉門與狎者數人飲噓而深惡諸官貴
人自郡守丞以下求與見者皆不得也嘗有詣者旬
便排戶半入涓遽手拒扉口應曰某不在人多以是
恠恨之晚絕穀食者十餘歲人問何居曰吾噉之入
偶厭不食耳無他也尤不事生業客幕時有餽之洮

絨十許匹者遂大製衣被下及所嬖私褻之服靡不
備者一日都盡及老貧甚鬻手自給然人操金請詩
文書繪者值其稍裕卽百方不得遇窘時乃肯爲之
所受物人人題識必償已乃以給費不卽餒餓不妄
用也有書數千卷後斥賣殆盡幃莞破弊不能再易
至藉藁寢年七十三卒涓爲諸生時提學副使薛公
應旂閱所試論異之置第一判牘尾曰句句鬼語
長吉之流也及被遇胡公值比歲公思爲涓地請
官入謁屬之曰徐涓異才也諸君校士而得涓者

爲報之時胡公權震天下所出口無不欲爭得以及
者而偶一令晚謁其人貢士也公心輕之忘不與言
及試涓牘適屬令事將竣諸人乃大索獲之則彈丸
遍紙矣人以是歎涓無命而服薛公知人焉涓於行
草書尤精竒偉傑嘗言吾書第一詩二文三畫四識
者許之其論書主於運筆大槩昉諸米氏云所著文
長集闕篇櫻桃館集各若干卷今合刻之註莊子內
篇叅同契黃帝素問郭璞葬書各若干卷四書解首
楞嚴經解各數篇皆有新意涓父總以龍里衛戍籍

領貴州鄉薦始至龍里也土人譁之總以教讀自晦
授童子孝經故謬其讀土人笑曰是不足逐也已而
得薦仕至夔州府同知涓貌脩偉肥白音朗然如唳
鶴常中夜呼嘯有群鶴應焉二子曰枚枳

陶望齡曰越之文士著名者前惟陸務觀最善後則
文長自古業盛行操翰者羞言唐宋知務觀者鮮矣
况文長乎文長負才性不能謹飾節目然蹟其初
蓋有處士之氣其詩與文亦然雖未免瑕纇咸以成
其爲文長者而已中被詬辱老而病廢名不出於

黨然其才力所詣質諸古人傳於來禩有必不可廢者秋潦縮原泉見彼厯喧汜溢者須臾耳安能與文長道脩短哉文長沒數載有楚人袁宏道中郎者來會稽於望齡齋中見所刻初集稱爲竒絕謂有明一人聞者駭之若中郎者其亦渭之桓譚乎

傳終

傳

公安袁宏道撰

余少時過里肆中見北雜劇有四聲猿意氣豪達與近時書生所演傳竒絕異題曰天池生疑爲元人作後適越見人家單幅上有署田水月者強心鐵骨與夫一種磊塊不平之氣字畫之中宛宛可見意甚駭之而不知田水月爲何人一夕坐陶編修樓隨意架上書得闕編詩一帙惡楮毛書煙煤敗黑微有字形稍就燈間讀之讀未數首不覺驚躍急呼石

編何人作者今耶古耶石簣曰此余鄉先輩徐天
先生書也先生名渭字文長嘉隆間人前五六年方
卒今卷軸題額上有田水月者卽其人也余始悟前
後所疑皆卽文長一人又當詩道荒穢之時獲此書
秘如魘得醒兩人躍起燈影下讀復叫叫復讀僅僕
睡者皆驚起余自是或向人或作書皆首稱文長先
生有來看余者卽出詩與之讀一時名公鉅匠浸浸
知嚮慕六文長爲山陰秀才大試輒不利豪蕩不羈
總督胡梅林公知之聘爲幕客文長與胡公約若欲

客某者當具賓禮非時輒得出入胡公皆許之文長
乃葛衣烏巾長揖就坐縱譚天下事旁若無人胡公
大喜是時公督數邊兵威振東南介胄之士膝語蛇
行不敢舉頭而文長以部下一諸生傲之信心而行
恣臆譚詭了無忌憚會得白鹿屬文長代作表表上
永陵喜甚公以是益重之一切疏記皆出其手文長
自負才略好奇計譚兵多中凡公所以餌汪徐諸
者皆密相議然後行嘗飲一酒樓有數健兒亦飲
下不肯啜錢文長密以數字馳公公立命縛健兒

麾下皆斬之一軍股慄有沙門負貲而穢酒間俱言
於公公後以他事杖殺之其信任多此類胡公既憐
文長之才哀其數困時方省試凡入簾者公密屬曰
徐子天下才若在本房幸勿脫失皆曰如命一知縣
以他羈後至至期方謁公偶忘屬卷適在其房遂不
偶文長既已不得志於有司遂乃放浪麴蘖恣情山
水走齊魯燕趙之地窮覽朔漠其所見山奔海立沙
起雲行風鳴樹偃幽谷大都人物魚鳥一切可驚可
愕之狀一一皆達之於詩其曾中又有一段不可磨

滅之氣英雄失路托足無門之悲故其爲詩如噴如
笑如水鳴峽如種出土如寡婦之夜哭羈人之寒起
當其放意疇疇千里偶爾幽峭鬼語秋墳文長眼空
千古獨立一時當時所謂達官貴人騷士墨客文長
皆叱而奴之耻不與交故其名不出於越悲夫一日
飲其鄉大夫家鄉大夫指筵上一小物求賦陰人
僕續紙丈餘進欲以苦之文長援筆立成竟滿其
氣韻適逸物無遁情一座大驚文長喜作書筆意
放如其詩蒼勁中姿媚躍出于不能書而謔謂

無之而不奇者也無之而不奇斯無之而不奇也

悲夫 下奇字音機

哀傳終

徐文長文集目錄

卷之一

賦

涉江賦

牡丹賦

鞠賦

荷賦

梅賦

前破械賦

後破械賦

畫鶴賦

緹芝賦

十白賦 有序

鹿二隻

兎

鵲

猴

鸚鵡

鸚鵡

龜四

鹿

鼠

黃頭

卷之二

樂府

張家槐

悲饗歌

歌風臺

四首

予嘗夢晝所決不爲事心惡之後讀唐書李

堅貞傳稍解焉

六昔

卷之三

四言古詩

鴈臺詩

上魯叅貢獅

卷之四

五言古詩

與林玉兩上人登會稽最高山山出秦望上

率可五六里玉公早有來歸之意因賦以

止之

來晨憩廣孝寺

登秦望山

沿秦望溪水

秦望山東南下折有峰紫鐵色錯豎似花壁

土人呼雄鵝突余贈名花蓋峰

海樵山人新構 二首

與楊子完步紵紗溪梁有懷西施之鄉

讀莊子

海上曲

日暮進帆富春山

發嚴州舍舟登陸縱步十五里憩山麓叢榛

遠眺江中惟石

將至蘭溪夜宿沙浦

早發仙霞嶺

自浦城進延平

夜宿丘園倚木蔽天大者幾十抱復有修藤

數十尋縣絡溪渚

涪澹灘

泛舟九曲

武夷道士示予魏王子竊蛻首見紫氣

丙辰八月十七日與肖甫侍師季長沙公閱

龕山戰地遂登岡背觀潮

十八日再觀潮於党山

蕭荷花祠

送明教往上海

寄善畫葛君

入燕

古山篇贈余君

贈陳君

戒舞智

寄彬中

答和公旦

雪

寄王子心葵

寄陶工部

筠石篇

蔣扶溝公詩 并序

柳浪堤楚頌亭為溧陽史氏題 一首

昨見

偶也

狐粉

補屋

作松棚

理葡萄

刈圃

鼃磯研

問軍中之系於國用

避暑豁然堂大雨

哀駱懷遠公驗詞

野蠶

范母詩

白鷗

越王崢寺有僧歐兜蛻

子效索贈其兩叔

送章蒲圻之官

柳元穀以所得管太康間冢中杯及瓦券來

易余手繪二首券文云大男楊紹從土公

買冢地一丘東極闕澤西極黃滕南極山

背北極於湖直錢四百萬即日交畢日月

爲證四時爲伍太康五年九月廿六日對
共破剪民有私約如律令詳玩右文似買
於神若今祀后土義非從人間買也二物
在會稽倪光簡冢地中於萬曆元年掘得
之地在山陰二十七都應家頭之西尚有
一白磁獅子及諸銅器銅器出則腐敗矣
獅尚藏光簡家 閩有黃兔窰 二首

送蘭公子

夜雨偕友人進舟雲門

天目獅子巖

燕子磯觀音閣

野火

鷹

馬

犬

狸

俠客

麗人

才子

酒徒

游大尖

空上人常住少林索作於菊下

宗孫有別字柱南者索賦

上冢

鶴攫鵲雛鷹黨翻然來救

感鷹活鵲雛事因憶裴衙梓巢鶴父死於

弩頃之衆擁一雄來匹其母母哀鳴百拒

之雄却盡啄殺其四雛母益哀頓以死羣

凶乃挾其雄逸去

設爲魚蝦所詰

天竺僧

煩吳伯子治墓堂

早禱十七韻次陳長公

陳長公餉日鑄茶瓦窰港銀魚白下法炮巨

鼈夜酌深談次其韻

修拄杖首修髮網膠漏磁壺及哥窰甌其亦

病隻耳聾次前韻

早甚久不應禱再追前韻

送友人

送王靈漁北上

吳季子餉我細腰壺蘆石上芝

一首

大寒嶺啖新胡桃頻婆諸果

徃馬水口宿煙麓陀庵

湘竹一妙管付截壞其頂文

口中

騶虞

雲陽

卷之五

七言古詩

贈呂正賓長篇

三茅觀觀湖

陰風吹火篇呈錢刑部君

附書

楊妃春睡圖

雪

萬里比鄰篇贈嘉則

述夢 二首

今日歌

二馬行

送蘭應可之湖州

觀獵篇 并序

題侄子家所藏雙鳳鳴陽畫

畫鷹

贈歌者

對明篇

繼溪篇

北雲篇

賦得百歲萱花爲某母壽

楚宗室雞將啄蟻畫

沈刑部善梅花却付紙三丈索我雜畫

送陳君會試

天壇

十六夜踏燈與璩仲玉王新甫飲於大中

之西樓

六月七日之夕與梅君客生及諸鄉里趁涼
於長安街醉而稱韻得片字

摩訶庵括子松下聽弦上人彈琴

謹雪

白鷗詩

握錐郎

星渚篇

無題

廿八日雪

題畫

鄭木白兔

沈叔子解畚刀爲贈

客強予畫十六種花因憶徐陵雜曲中二八
年時不憂度之句作一歌因爲十六花姨
歌舞纏頭亦便戲效陵體用陵韻

予作花十二種多風勢中有榴花題其卷首

曰石醋醋罵座

嬾

王鷺亭鴈圖

畫百花卷與史甥題曰漱老謔墨

又圖卉應史甥之索

九馬圍人圖二回醉瀕墮

完淳篇

閩工某慕伯時昭君下嫁圖單于親迓之隨
騎士胡姬嬌而騎與單于竝儻健可畏
鞞衣結束文馬華旌及姬之靴帽竝妍綉

可愛而掌琵琶者尤勝胡決不辦此李蓋
以意爲之取悅人口馬三兄投賦賦之

朱次公讀書飛來山羣諺過訪携飲塔顛方
拈六韻擬賦雨至踉蹌而下漫聞次之

菘臺醋

張旭觀公孫大娘舞劍器

書茅氏畫

附畫風竹於篋送子甘題此

漁圖

壽王生

沈將軍詩

春野圖

劉雪湖梅花大幅

洞巖入壑口有石枰石橋及石池諸景

蘭泉篇

卷之六

五言律詩

銅雀妓

出塞

琉球刀

西北

桃花堤上看美人走馬

春日過宋諸陵

孟后怨

竹月篇爲易道士賦

寄尚賓因借石磬

宛轉詞

湖嚴氏有二女其翁以長者許涓繼室涓自
愆盟頃聞爲海寇斷其翁臂二女俱被執
旋復放還便已作宛轉詞憐之後知其長
女被執時卽自奮墮橋死幼女放還亦死
因復賦此宛轉詞中覆水句正悔愆盟也

順昌道中新晴

十六夜宿葉坊玩月

杜鵑花

古鏡

陳女度尼

金客

贈相上

分賦得吳山送俞君還顛

芸閣校書篇

飲雲居松下眺城南

送內兄潘伯海謁選

聚法師將往天台止其徒玉公庵中余爲

信宿

省試周大夫贈篇罷歸賦此

豐吏部公邀泛西湖觀荷明日寄作今與嘉

則敘父追和

賦得戰袍紅

嚴先生祠

白鷗

初入京瞻宮闕

來青亭

元旦與肖甫較射

季長沙公哀詞

懷陳將軍同甫

鈕大夫園林

送高叟入燕

背樹

賦得看劍引杯長

賦得暗塵隨馬去

賦得芹芽

鎮江

王山人丹房

仲春李子遂季子牙史叔考坐雨禹跡寺景

賢祠中醉餘賦詩並用街字子遂來自建

陽一別數載

法相寺看活石

侶琴篇爲趙子賦

寶刀詩

答謝上谷諸公

書箒贈顧鴻臚

王口北見遺貂帽因往

納妾詩

駿霞篇爲天台黃子賦

梨

杏

李

頻婆

胡桃

白櫻桃

出豆

薯蕷

鐵脚

黃鼠

半癡

酒三品

荔支二首

熊

黃羊

河豚

送薛鴻臚左官袁州

雨

夕霞

送某子北上

某君中貢選送之

人言鳳尾蕉花於某縣庭命作

壽葛貞母

乙亥元日雪酌梅花館二首

初夏送某客入廣

賦得風入四蹄輕

四首

雨舟載鶴詩

元夕之辰偕友人集九里之天瓦寒泉二庵

各賦

并序

擬壽長春祠何老

京中送友人南歸

送蔡安父之黃州

與葛景文

畫紅梅

畫竹

筵中漫贈王良秀筆史

吳門逢孔將軍於塾

書倪元鎮畫

無題

賦得草窻篇爲周衛卿之號

食虎眼

鱗

五首

胡市歸

客餉我笋脯一小筐
穉而甘澹擬謝

聞人賞給事園白牡丹

三首

化城寺

明日至古博嶺雨

京邸贈沈刑部

哀周鄭州沛

二首

曉發句容

送沈叔子南都迎母

送馮叔系之南都訪舊

景文至其舅劉所過園中

送俞生之入楚

張子錫往訪其弟長治

與任生話舊

送張君會試

挽上虞葛翁

授經館中懷江東諸同志

蠟屐

題雪景畫

爲陶工部贈道者

將遊五泄宿吳系山庄遇陳老迎餉邀余輩

先登峨眉不果

卷之七

七言律詩

君從

九重

白燕

續白燕

寄成女彝守備登州

送方阜民公子還歛

送通政胡君入閩

言游武夷道中撫景因憶往年尚賓呂君天

台之約

落花

泊閩門值閏月中秋

送葛韜仲

飲枇杷園贈某君東道

奉送同府潘公募兵廣東

十四夜

月下梨花

四首

新建伯遺像

夜酌遲友人不至

贈府吳公詩

并序

與客登招寶山觀海遂有擊楫岑港一窺賊
壘之興謹和開府胡公之韻奉呈

爲子微題鷓鴣圖

兩宿齊雲下憇逆旅夜大雪因復登眺

孫忠烈公挽章

下第回值九日登塢土山訪北庵上人

訪王芝師夜宿新庵同蕭女臣

往年觀伎走解意當是北產故綴四律首章

用北語今年復來知是金陵上元人又携

一少伎同坐簾上分鐙放體空中名曰童

子拜觀音乃昔年所無者

與王山人對語

乙丑元日大雪自飲至醉遂呼王山人過尚

志家痛飲夜歸復浮白於園中

飲太白樓

楊道人訪我于繫索詩

新秋避暑豁然堂

過陳守經留飯海棠樹下賦得夜雨剪春韭

迎春值雪

宮人入道

贈秦仲虛

宿長春祠夜半朱君扣榻呼起視月山缺處

露錢塘僅一勺而夜氣滄之

恭謁 孝陵正韻

答贈盛君時飲朝天宮道院

中秋雨集金氏園亭次陳思立

十六日霽與張長治伯仲集城隅次長治韻

邦憲死

贈遼東李長君都司

許口北遺以綾帛綿三物題曰袍具作詩謝之

小集滴水厓朝陽觀

徐州

駕歸自閱羣望于衢恭賦

張雲南遺馬金囊

壽吳宣府

美人紅甲

禹陵

曹娥祠

露筋祠

馮刑部索書冊

送嘯上人之五臺

集李侯宅得鍾字

燕子樓

送余興國

駕幸月壇羣望西街

九月十六日遊南內值大風雨歸而雪滿西

送新昌潘公

將別復偕遊碧雲流觴枯柳之下

送朱使君太僕

李子遂死予設位哭之遂擊木而歌此

讀問棘堂集擬寄湯君

金剛子珠串

聞都督再遷山西武寧

自全道走居庸雪連峰百仞橫障百折銀色

晃晃故來撲人中一道亦銀鋪也坐小兜

目以紅氍疲羸數頭匣劔笈書相後先冰

氣栗冽肌粟蟲蟲如南夏瘴瘞苦吟凍肩

倍聳憊甚矣却羸得在荆關圖畫中浮生

半日

送丁叔子北上慰乃兄

代壽黔公

三首

亞夫墓

白牝蛟

并引二首

讀文信公仙巖祠集焚帛二首

夜坐有感轉憶往事

香煙七首

春興八首

送季子微赴李寧武總兵之約

南鎮之南原桃樹數百花時余數遊賞當武

陵也道士苦打攪盡伐之憶以詩

二月望後連日夜風甚不減前年而是日二

兒書至

唐伯虎畫崔氏且題次其韻

吳宣府新磨總督

子肅再赴戚總戎所未至死於都下

紅葉

蘭亭次韻

送長洲居山人士貞

重修 乾清宮成迎 慈聖再御

五色鸚鵡黃鸚鵡竝是 聖母所馴各賦四首

賞成氏牡丹和韻

王翁八十令書貞松白石畫中

姚崇明晚暎堂

清涼寺云是梁武臺城

壽馬先生七十

元夕寄金武康

寄上海諸友人

戊辰廿有四日尚賓時中宿於園夜大風雨
冰厚尺詰朝得子廿北報走筆遍諸友

玉師挽章

養生書成紀事與夢

某氏新園

送趙大理

綠牡丹

次蘇長公雪詩

青州贈置磯研副以詩奉答

莫老至齋矣

八月十八日阿枳三江觀潮夜歸示

三首

戲擬不住

讀某愍婦弔集

擬弔蘇小墓

閩里中有買得扶桑花者

詩一首

今來自嶺海者云扶桑花也予昔所見殊不
類是殆大蘇所詠涓涓泣露紫含笑焰焰
燒空紅拂桑耳花家剪雙頭見寄始覺首
四作之誤乘酒漫成六首以贖差錯插硯
水瓶嫣然有笑語意豈亦憐老人之衰眊
耶復取餘瀝澆之當纏頭耳滇蜀村歌云

披簑衣打杖頭鼓風流在何處予擬答鄉
諺云雪落長江裏依舊化作水何不落則
雨却要是個底不知花神有知作何平章
夜見夢云叟所謂黃連樹下彈琴也

六首

寄吳通府以墨見寄

魏文靖公卮貯以梓匣輒賦

某君見遺石磬

賣貂

賣磬

賣書

賣書

長至次朝

岳公祠

某君生朝抹牡丹爲詩

十月廿二日園西櫻桃數花便有蝶至二一首

訪李响巖山人於靈隱寺

九月朔與諸友醉某子長安邸舍得花字

某伯子惠虎丘茗謝之

桐鄉馮母

高魚既作古詩矣久之復得七律

擬送巡滇者

過伯升宅玩骨董而菖蒲尤盛魚有紅色有

藍色有玉有錦俱三尾如萬又有水晶四

尾者

雪中移居

送婁某丞丹陽

錢王孫餉鱗不減陳君肥傑酒而剝之特旨

答嘉則

詣五洩驢上口占寄駱懷遠

九流

雞聲

蛙聲

聞有賦壞翅鶴者予嘗傷事廢餐羸眩致跌
右臂骨脫突肩曰昨冬涉夏復病脚軟必
杖而後行茲也感仙癯之易賊羨令威而
不皆橫榻哀吟輒得二首

建陽李君寄馴鷗俄殪野狸信至燕哀以三

曲

賦得萬綠枝頭紅一點

王鄉人尋二十年之父櫬歸自衛輝合其母

壙

賦得漁人網集澄潭下

十七夕

賦得賈客船隨返照來

書劉子梅譜

有序二首

送某之大倉

將牧羊庚戌元旦筮之得明夷之上六

元夕休寧道中遙憶鄉里

賦得清秋落葉

清風嶺

焦山

林先生遷教瀧水

讀易園詩應一仕人之索

馬策之奉母任鳳凰山下之水樓

狐裘

歲暮夜雪拓二王詩人釐果小飲

卷之八

五言排律

宣府槐龍篇

有序

水仙

萬曆二年翰林院中白燕雙乳輔臣以獻

進兩宮並賞殊瑞聞而賦之

送史叔考讀書兵坑

觀浴象

和葛景文

抱琴美人圖

先除夕二日雪甚如嬰兒拳

畫坐草栗鼠

電

芭蕉花

子侯芳園王瓜駢秀傳聞遠邇快覩咏歌附

驥非才續貂聊漫

宴游西郊詩

并序

張氏子黃鸚鵡

後聞鸚鵡眼系直度兩睂人可洞視

題宋刻絲蓼花立鳥圖

丁卯六月十六日五鼓夢一憲公更訊予獄

予頗懇乞且歷數古人事憲公乃取片紙

手畫一白犬從雪中獵作題且曰汝賦得

十韻卽止予賦得十二句而憲公遂巡起

予亦覺半忘矣今續成之

卷之九

七言排律

上督府公生日詩 并序

奉侍少保公宴集龍游之翠光巖

數年來南雪甚於北癸未復爾人戲謂南北

之氣互相換似賈人帶之往來理或然歟

邊寒不易雨而今每潦十九韻

次夕降博雪徑滿鵝鴨卵余睡而復起燒竹

照之八十韻

連雪後迎春憶舊十二韻

卷之十

五言絕句

題畫 墨竹杏花 四首

扇中雙蝶

蜂

白牡丹桃花

翦春羅垂絲海棠

石榴荷花

兩蝗蟲

又蘿蔔

回回馬

毛魚作隊游菱塘

畫

詠畫

春

夏

秋

冬

江船一老看鴈羣初起

似赤壁遊

石榴

竹染綠色

對听觀壠大瀑

獨釣寒江

閱書者倚老樹

雪景

魚鱗

杏燕子

寫竹答許口北年禮

寫蘭與仙華子

尖頭麻蛩

蒲桃

張氏別業

樂志堂

流霞閣

竹塢

青蓮島

小若耶

笑渠徑

浣花橋

水墨軒

桃葉渡

六言絕句

村家飲

漁家圖

列子御風圖

卷之十一

七言絕句

贈呂山人

龕山凱歌

五首

嘉靖辛丑之夏婦翁潘公仰陽江官舍將令
子合婚其鄉劉寺丞公代爲之媒先以三
絕見遺後六年而細子棄帷又三年聞劉

公亦謝世癸丑冬徙書室檢舊札見之不

勝悽惋因賦

五首

丙子二十年其家以甥在稍還母所服潞州
紅衫頸汗尚泚余爲泣數行下時夜天大

雨雪

將入闈方許二君餞別分韻

凱歌贈叅將戚公

二首

望夫石

宴遊爛柯山

三首

入武夷尋一線天道中述事 二首

雪中訪嘉則於寶奎寺之樓店

七里灘 二首

武林館中與徐仁卿同宿因贈 二首

趙君將買妾戲寄之

禪房夜話和韻書付玉公

折桃花

徐濟之携新婦侍親揚州

送丁子範

夏相國白鷗園 二首

竹枝詞 二首

閭門送別

予自浙抵新安登齊雲還浙道中旅館頗多

奇景而不成一字至衢自嘲一絕

寄徐石亭

乙丑春正月廿有四日與某等携觴俎探禹

穴就十峰山人馬丈飲於小園林卉雲

索得海棠秧二本穿籬過別畦又插竹

數根而去時薄靄滂生山翠欲滴泉客

雨輒爾拂衣

送陸子之閩

留別倪子

天目山 三首

南海曲

嘉則擬紅衫四貌

春郊走馬

東山擁伎

秋江把釣

高樓對雪

燕京歌 七首

燕京五月歌 四首

自馬水遠道中竹枝詞

乘霽自福田遍歷善應翠微洪光大悲諸招

提翠有石洞西夏僧兀坐其中自言至此

可六萬里齋罷擬游西湖輒止

上谷歌 七首

宣府教場歌

早渡銀洞嶺

胡市

邊詞

十六首

長干行

四首

鍾子授我篆章答此

擬徃中止

菊

曹秀才

默泉篇

漫曲

古意

王元章墓

寄沈子

贈孫山人

山陽歌醉中贈魯君

挽陳君之配蔣

芙蓉死

麟

并引

八首

漁鼓詞

四首

送林某

二首

設代林某答胡通政

雲州舍身臺

慕蘭篇

竹枝詞

二首

盤古社樹

托王老買瓦窰頭銀魚

買得一貓雛純黑而雄戲詠

五洩

二首

五洩霧

七十二峰歸來書寺壁

自燕京至馬水竹枝詞

寫扇與毬兒

嘉則衷緋而西

二首

過陳氏園看杜鵑花花高可十五尺餘郡中

無其比也

鏡湖竹枝詞 二首

上谷邊詞 四首

黃楊山 二首

秋熱更酷戲作扶桑女郎葵扇詩

無題

卷之十二

七言題畫絕句

畫兩僮枕帚而睡疑是寒拾應人索詠
畫高嶺莫行僧衆

應別索又一幅

白雲深山掘芝者

女仙彈琴

賦得奕仙

題王質爛柯圖

劉阮憶天台圖 二首

月宮仙子圖

賀知章乞鑑湖一曲圖

盛懋秋江畫董堯年索題

李子送小景

漁畫

二首

爲杭人題畫

二首

端陽題慕蘭雪畫

唐伯虎古松水壁閣中人待客過畫

題折花美人圖

抱琵琶偶竚蕉陰美人

王元章倒枝梅畫

畫梅時正雪下

題畫梅

二首

雲門寺題畫梅

竹

十首

寫竹與某

都門五月寫竹送某君之官新昌

勾勒竹

畫筭遺許口北

畫竹與吳鎮

二首

倒竹

畫竹

舊作竹與某復要予再作答此

寫倒竹答某餉

竹石

寫竹擬送友人之官長沙

初春未雷而筍有穿籬者醉中狂掃大幅

寫竹壽郁頴上

畫筍竹賀許口北得子

菊竹

水仙雜竹

荷

七首

畫荷花送陳都揮往招寶

畫荷壽某君

翎菊

畫菊

二首

牡丹

雪牡丹

二首

人有以舊抹牡丹索題者

遮葉牡丹

梨花 五首

題畫梨花折枝

水仙 五首

雪水仙

水仙蘭

葡萄 四首

王生索寫葡萄

杏花

雪粉團

畫石榴

榴

玉簪花

芭蕉

沈君索題所畫卉賀人新婚

黃薔薇

木筆花

茉莉花

畫海棠

畫玫瑰花

青門山人畫滇茶花

蘭

松竹梅

大醉作勾竹兩牡丹次日始得題

作荷蘆於是日亦次朝題

芭蕉墨牡丹

芭蕉玉簪

芭蕉雞冠

梅桂暖草

枯木石竹

題畫

四首

獨喜萱花到白頭圖

題花圖

書花冊送王生

詠畫降龍

躍鯉送人

三首

魚蝦螺蟹

題畫蟹

松根醉眠道士一幅

二首

雜品

柳渚雙魚

蘆汀鳴鴈圖

鳴鳥圖

畫布谷

書畫兔中有一白雛

郭恕先爲富人子作風禽圖償平生酒肉之
餉富人子以其謾已謝絕之意其圖必立
遭毀裂爲蝴蝶化去久矣予慕而擬作之
噫童子知羨鳥獲之鼎不知其不可扛也
雖然來丹計粒而食乃其報黑卵必請宵
練快自握亦取其意之所趨而已矣每一
圖必隨景悲歌一首竝張打油呌街語也
亦取其意而已矣

二十五首

朱太僕扇面花鳥

卷之十三

詞

寶珠齋飯罷筋響枕寂爲作一偈時宿東天

如夢令

閒人織趾

菩薩蠻

書唐伯虎所畫美人

眼兒媚

竹爐湯沸火初紅

蔣三松風雨歸漁圖

卜算子 鷓鴣天

美人解

鷓鴣天 詞

畫中側面琵琶美人

鳳凰臺上憶吹簫

卷之十四

表

代胡總督謝新命督撫表

代初進白牝鹿表

代初進白鹿賜寶鈔綵段謝表

代江北事平賜金幣謝表

代再進白鹿表

代被論乞免得 溫旨謝表

卷之十五

疏

爲請復新建伯封爵疏

卷之十六

啓

代奉景王啓

代謝閣下啓

代賀嚴公生日啓

又啓嚴公

賀兵侍江公擢戶書啓

代元旦賀禮部某公啓

謝督府胡公啓

啓諸南明侍郎

二首

答某餽魚

代賀張相公啓

代請胡總督啓

謝某

答某

上新樂王啓

卷之十七

書

與吳宣府

與季子微

答唐府公

奉徐公

答張翰撰

答許北口

答王口北

與馬策之

與柳生

與道堅

答李叅戎

與梅君

三首

答龍溪師書

答兄子官人

二首

與兩書史

與許口北

與來大同

與季友

奉答少保公書

奉師季先生書 二首

擬上府書

擬上督府書

奉督學宗師薛公

論玄門書 二首

奉答馮宗師書
答人問叅同

卷之十八

論

論中一

論中二

論中三

論中四

論中五

論中六

論中七

會稽縣志諸論

地理總論

沿革論

分野論

形勝論

山川論

風俗論

物產論

治書總論

設官論

作邑論

戶書總論

徭賦論

戶口論

水利論

災異論

禮書總論

官師論

選舉論

祠祀論

古蹟論

卷之十九

策

問韓信破趙用背水陣其言曰置之死地而後生置之亡地而後存又曰信非得素拊

循士大夫驅士人而戰故其勢必當置之死地使人人自爲戰予之生地則走何前日石墩之戰兵以臨水而大敗近日柯亭之戰兵登岍卽舍舟以堅其死又敗將以爲不置之死地耶則旣以置之死地矣將以爲信之兵練習嚴法而今日之兵不練習嚴法耶則信又謂驅市人而使之矣用法同而勝敗異其故何也

卷之二十

序

胡公文集序

葉子肅詩序

送李子遂序

四書繪序

詩說序

送通府王公序

送推府王公序

贈李都使序

陶宅戰歸序

沈氏號篇序

曲序

贈禮師序

肖甫詩序

玄抄類摘序

二首

抄代集小序

抄小集自序

刻沛言序

陸氏譜序

李伯子畫冊序

贈吳宣府序

註叅同契序

贈嚴宗源序

逃禪集序

贈婦翁潘公序

覽越篇序

王山人贈言

北臺疏草序

雲南武錄序

贈李宣鎮序

周愍婦集序

海上生華氏序

著郭子序

贈張君序

代邊帥壽張相公母夫人序

送沈君叔成序

八駿圖序

贈梁尚書公序

贈李長公序

白氏譜序

亦陶集序

壽史母序

張母八十序

贈沈母序

卷之二十一

跋

新建公少年書董子命題其後

書石梁鴈宕圖後

書梅花道人墨竹譜

書畫後

書茆氏石刻

送畫於寺書其左

書蘇長公維摩贊墨蹟

書米南宮墨蹟

書子昂所寫道德經

書夏珪山水卷

書李北海帖

書陳山人九臯氏三卉後

書八淵明卷後

書沈徵君周畫

書謝叟時臣淵明卷爲葛公旦

書朱太僕十七帖

又跋於後

跋書卷尾

二首

大蘇所書金剛經石刻

讀餘生子傳

書馬君所藏王新建公墨蹟

書吳子所藏畫

書季子微所藏摹本蘭亭

書紅眼公傳

書新建公二序手稿

跋司馬公草書

趙文敏墨蹟洛神賦

書草玄堂稿後

卷之二十二

贊

觀音大士贊

白描觀音大士贊

題大士圖

提魚觀音圖贊

折蘆達磨贊

伏虎畫贊

書瀘水羅漢畫贊

蓮葉大士贊

東方朔竊桃圖贊

純陽子圖贊

并序

梓潼像贊

二首

三教圖贊

四老圖贊

四仙圖贊

四首

高皇帝像贊

一品三公圖贊

鳴教出所藏郭畫一叟持玄物類石方長數

寸開口語又所携竹筐中植一小旛置道

旁一叟聽其語執冊肘若却避然令贊之

自書小像贊

一首

商大公子像贊

余東白贊

宗侄像贊

三首

婁叟像贊

吳君像贊

郁君小像贊

書馬策之像贊

范子小像贊

王子小像贊

傅子像贊

柳生小像贊

許伯熙像贊

草誦

并序

題鳩

卷之二十三

銘

歛石硯銘

并序

歛石硯銘

二首

端石硯銘

二首

端石螭硯銘

無眼端石銘

馬策之端硯銘

二首

甕磯硯銘

二首

鼎硯銘

破膽磬銘

并序

刺匣銘

篆櫝銘

竹秘閣銘

二首

書櫝銘

二首

卷之二十四

記

蜀漢關侯祠記

坐臥房記

西施山書舍記

函三館記

游五泄記

閘記

西溪湖記

義塚記

石頂浮圖記

修郡衢記

長春祠記

半禪庵記

呂氏始祖祠記

石刻孔子像記

烈婦姚氏記

鎮海樓記

酬字堂記

卷之二十五

碑

會稽吳侯生祠碑

徐相公碑

季先生祠堂碑

知清豐沈公祠碑

龐公碑文

劉公去思碑

卷之二十六

傳

贈光祿少卿沈公傳

白母傳

王君傳

彭應時小傳

卷之二十七

墓誌銘

高君墓誌銘

蕭女臣墓誌銘

吳孝子墓誌銘

嫡母苗宜人墓誌銘

伯兄墓誌銘

仲兄墓誌銘

亡妻潘墓誌銘

自爲墓誌銘

墓表

陳山人墓表

卷之二十八

行狀

呂尚書行狀

卷之二十九

祭文

祭北斗文

代祭東嶽神文

代督府祭趙尚書文

代祭陣亡吏士文

感夢祭嫡母文

春祭先墓文

祭少保公文

代上饋文

告丁母

告先王

哀諸尚書辭

祭張太僕文

會祭高君文

祭羅母

祭少顛文

季先生入祠祭文

時祭文

縣祭文

入鄉賢祠府縣祭文

卷之三十

雜著

隍災對

附記質隍災而予否之之語

府隍神有二辨

祝僉事爲神於南昌

壽中軍某侯帳詞

義塚募文

讀絳州園池記戲爲判

景賢祠上梁文

鮑府君醮科

請稱法位

散花初獻

亞獻

步虛宣疏

回軒焚燎

友琴生說

一吾說

讀龍惕書

書古本參同誤識

井田解

四聲猿 附續刻

徐文長文集目錄

終

徐文長文集卷之一

公安袁宏道中郎評點

門人閔德美子善校訂



賦

涉江賦 襟期超曠

晉潘岳作秋興賦序稱三十有二歲始見二毛時岳為賈充掾寓直散騎之省見省中多富貴人乃起歸來之想及作閒居賦自述多落而少遷以見拙宦雖卒歸退休然合前賦而觀之誠見其嗜醇醲而始言

寂寞也。嘉靖壬子秋，余年亦三十有二，既落名鄉試，涉江東歸。友人顧予鬢曰：子髮白矣。余誠懼理道無聞，而毛髮就衰，至於進退之間，實所不論。雖才不逮潘岳，而志或異焉。乃作涉江賦以自見。

壬子季秋，予既被棄，涉江東歸。水深則厲，僕痛主困，旅多太息。夕發西陵，日高造闕。涓既登一，枝之堂俯而拜母。母曰：兒復如是歸乎？兒則困窮，兒好顏色，兒腹應饑，爲兒作食。既乃涓復往，舊託之禪室，掩關戶於峇刻，嗒然其坐，忘焉。乃有二三伯仲來相問視，顧

盼之間，指予鬢而謂曰：子髮白矣。年其幾何？吾則宜然。如子則那？予聞斯言，不能無逆，傾冠側首，伯爲予擢，擢不應手，體短善脫，不脫而獲。如萸甫活，伯仲謂予豈以憂故？進退有時，失得有數。予告伯仲，予豈不知細故芥蒂，何足以疑人生之處世？今每大已而細蟻視，聲利之所在，今水趨壑而赴之，量大塊之無垠，今曠蕩蕩其焉，期計四海之在天地，今似罍空之在大澤，中國之在海內，今太倉之取一稊物以萬數，而人處其一則又似乎毫末之在於馬厓，彼營營之微。

聲沾沾之細利又何殊於曳蟲股噉蠅脾入孔穴實
糧齋第因小而形大曾一蟻之何加再語伯仲更聽
予陳無形爲虛至微爲塵塵有隣虛塵虛相隣天地
視人如人視蟻蟻視微塵如蟻與人塵與鄰虛亦人
蟻形小以及小互爲等倫則所稱蟻又爲甚大小大
如斯胡有定界物體紛立伯仲無惟目觀空華起滅
天外爰有一物無罣無礙在小匪細在大匪泥來不
知始往不知馳得之者成失之者敗得亦無攜失亦
不脫在方寸間周天地所勿謂覺靈是爲真我覺有

變遷其體安處體無不含覺亦從出覺固不離覺亦
不卽立萬物基收古今域失亦易失得亦易得控則
馬止縱則馬逸控縱二義助忘之對外寇易防竊發
莫支外寇形呈竊發暗來積上漸高爲九仞臺九仞
一齡終爲阜丘予斯之憂他奚怡懷伯惟予髮良亦
有說男子六八陽氣衰竭膚面焦枯鬢髮頰白斯人
稟常萬古一轍稟完後老缺者早泄曷知小子不稟
其缺年三十二形則六八又予視髮玄綢白希遠窺
不得逼視始知不審其變在何歲時豈以茲秋謂予

憂爲

牡丹賦

風華典贍豈次梗諸君可辨

同學先輩滕子仲敬嘗植牡丹於庭之陞春陽旣麗
花亦嬌鮮過客賞者不知其幾數日搖落客始罷止
滕子心疑而過問渭曰吾聞牡丹花稱富貴今吾植
之於庭毋乃紛華盛麗之是悅乎數日而繁一朝而
落儵兮游觀忽兮離索毋乃避其涼而趨其熱乎是
以古之達人修士佩蘭采菊茹芝挈芳始旣無有乎
穠豔終亦不見其寒涼恬淡容與與天久長不若茲

種之溷吾黨也吾子以爲何如渭應之曰若吾子所
云將盡遺萬物之濃而取其淡樸乎將人亦倚物之
濃淡以爲清濁乎且富貴非濁貧賤非清客者皆麤
主則爲精主常矜然而不緇客亦胡傷乎隨寓而隨
更如吾子懟富貴之花以爲溷已世亦寧有以客之
寓而遂壞其主人者乎縱觀者之倏忽爾於花乎何
讐諒盛衰之在天人因之以去留彼一貴一賤而交
情乃見苟門客之聚散於翟公其奚尤子亦稱夫芝
蘭松菊者之爲清矣特其脩短或殊榮悴則一子又

安知夫餐佩采摯者之終其身而守其朽質也。則其於倏忽游觀者又何異焉。滕子顧予曰：有是哉！子盍爲我賦之。渭曰：唯唯。何名花之盛美，稱洛陽爲無雙。東青州而南越，曾不足以頡頏。稟陰陽之中氣，今雖未必其記載之盡信。視衆卉以獨妍，今真若悉有萃乎水土之精光。始山間之幽寂，處天后之帝鄉。后始命移以入內，今備宮樹之列行。亦何心於貴賤，視用舍而行藏。茲上代之無聞，始絕盛乎皇唐。爾其月陂隄上，長壽街東。張家園林，汾陽宅中。當春光之旣和。

藹亭榭之載營，天宇曠霽。今絲游景物，招人而事起。彼貴子兮，王孫蹙游龍於流水。遠茲葩而密坐，藉芳草而芊芊。感盛年之若斯，傷代謝之能幾。爾則粉承日華，朱含霧雨。群蒂如翔，交柯如拒。凌晨併粧對客，不語衛尉。出婢子於羅幃，鄂君擁翠被於江渚。當其百藥千芽，照耀朱霞。綠葉紛紜，望之轉賒。若儒生之授學，列女樂於絳紗。迨夫背戶迎窻，上下薨簷。二三作隊，矯矯愈鮮。飛燕進女弟於遠條，夫人挾三國而朝天。錦瓣重捲，檀心飛屑。柔須夜殷，怒苞曉決。宛轉

姑之反。脣似相稽。而無說。則有若盛時合沓。諸娣從韓。姑以同歸。颯焉凋衰。漢主放宮人。而憎別風。薦小爽。雨委微温。楚妹舞歇於章臺。陳后泣罷於長門。亦有細加巨上。慎妃橫逼座之勢。紫侍黃側。班姬抗同輦之尊。或勁而叩。婕妤當逸。熊於上殿。或翹而望。處子窺宋玉於東垣。旣離以披。亦競而駢。近不極態。遠不盡妍。大彷彿乎佳麗。意所想而隨存。奚援引之數。妹可罄比。而殫論。然涓嘗聞如來演法。在彼鹿園。菩薩莊嚴。衆二十五寶髻。鬢髮珠璣。瓔組佛之勝。相紫

金光聚大衆威儀。具八萬數。又聞崑崙閩風玉城瑤宮。神人飛行。綽約玲瓏。雲態雪光。不可殫窮。夫人之心。想由習生。景與想成。一牡丹耳。世人多謂花如美婦。則前所援引諸姬群小之所象是也。使玄釋之子。觀之遠嫌避譏。則後所援引大衆群仙之所象是也。今此花長於學士之庭。在仲敬之宅。仲敬將謂此花申申夭夭。行行問問。佩玉瓊琚。鼓瑟鳴琴。其仲尼與七十子諸人乎。縱謂其婦人也。稱煩則太姒。始至宮人欣欣。琴瑟鐘鼓樂而不淫乎。稱簡則二女。湘君尋

帝舜於蒼梧之野。宓妃盤姍解佩環於洛水之濱乎。此皆不以物而以已吐其醜而如其美。畔援歆美與世人之想成者等耳。若渭則想亦不加賞亦不鄙我之視花如花視我知曰牡丹而已。忽移矚於他園都不記其婀娜籍紛紛以紆紆其何施而不可。

鞠賦

幽烈清疎伯仲長公秋陽稚酒

渭旣賦牡丹滕子復申辭曰曩吾之庭牡丹春華菊英秋發吾子抽精於彼而絕響於此母亦如吾所謂避其涼而趨其熱者乎渭曰有是哉子之善戲而揆

也乃筆不停綴詞不及展遂賦曰誰乎誰乎芒芴曷常春至麗日秋臨抗霜彼亦何熱此亦何涼惟付與之是聽非知計之可詳履子廣庭視茲烈芳繁名相之別數亦芰莖之異萌染不出於五色維其變之莫量歷九秋而自如周數望而靡謝從顏色之中乾永附蒂而不舍於時白帝司辰冽冽辛辛木葉下而草萎霜露降而鴈征乃自圃畦遷爾廣楹一則不足百尚有羸群而不黨矜而不爭槩望若結伴而違俗單玩則各立而獨行乘金令而始拆秉土氣之正精雖

雜采之。並敷惟彼黃之盛榮。諒盈庭而冒錦。亦剖符而塗金。耀愈澤而不妖。烈無吹而自馨。方辭謝乎徑塗。處規植而託身。非瓦礫以爲嘉。存大朴之希聲。彼主人兮。誰子懷高廓兮。心貞秉圭璋之潔。白樹文學之干旌。則有幽人處士。墨卿逸史。候節序之高朗。知寒燠之迅駛。弭蓋於門。肅隊而至。或移觴而就筵。賦篇章而未已。爾則不以物驚。不以物喜。挺危朶而愈勁。舒正色而不媚。匪鉛華以事人。多君子之枉戾。豈無人而不芳。亦胡庸以采佩。當夫青陽發生。桃李盛

花名園如霞。上國如霞。嚶好鳥其載鳴。將何物之不化。胡爾類之自矜。乃偃伏其萌芽。迨寒氣之始肅。日馳驚乎南陸。雲慘淡而無光。野何萌而不縮。爾乃自耀其孤標。眇賤同而貴獨。謂所性之若斯兮。或未必其盡然。夜不可以爲夙兮。晨不可以爲昏。苟榮悴之有時。奚爾類之能專。將推之而不後。抑挽之而不前。彼蒼厚爾以遲莫。又何辭於末年。紛後先亦何心兮。避桃李之盛時。抗素秋而挺茂。今終焉保其不衰。至乃微霜襲宇。驚飈振帷。萼紺紫而不起。葉比次而下。

垂閭閒。字兮無人。况星月之懸輝。則有似乎貞女。永
絕乎夫君。放臣懷國而酸悲。尹子履霜於中野。蘇武
嚙雪於沙。睡在顛沛而愈厲。至九死其靡違。外容色
之凋傷。實中心之永矢。嗟上人之懷抱。美材質之修
嫿。逾盛年而云邁。稍凌夷乎末路。苟蒼蒼之爾私兮。
又何病於遲莫。日中昃而彌烈。兮金粹精於融鑄。直
守貞而罔渝。於茲英其何負。余假托以抒忱兮。信毋
必而毋固。

荷賦

言詞俊慕寫靈

渭既賦牡丹與菊。仲敬復請曰。天有四時。花有四品。
夏荷冬梅。子獨無意乎。含毫續藻。俾世稱四賦。此雖
小圃之光。而亦吾子之麗也。余不得辭。因復命筆。塊
連抱之大甕。立階楹以踟躕。挹三尺之清水。實五石
之泥。淤葩燁燁。其盈肥芳。霏霏以滿。除逼而就之。欲
語不語。徐察其意。若有告訴。吾凌波之逸卿。而擁蓋
之公路也。遠祖當春秋吳越之世。逢時遭偶。居若耶
之溪。歐冶子淬劍之處也。自會稽達剡水。溪長岍澗。
淡蕩百里。沙白泥肥。雜蘆與葦。種類繁生。多不可紀。

則有乍決半舒小朶大蕊短佇長竦低垂迅起柔標
勁節疎陳密倚或向日而併嬌或從風而自靡其乍
決也儼華燈之笑焰其半舒也宛新月之過朏其小
朶之開群仙合掌而數甲斯尖其大蕊之盤古佛現
身而千日其背短跂則蠻奴踞以貢珍長竦則山峰
轟而攢翠低垂掛馬肝而始列迅起樹羽蓋而仰綴
標有柔而將隨節有勁而示刺疎陳或約隊而未過
密倚疑附耳而不置向日併嬌未足稱妍從風而靡
曷以揚麗香不烈而愈恬色彌天而不媚其房之俯

仰也則有似乎客主之既闡更舉爵而飛杯其葉之
掀翻也又有似於兄弟之寢興共長枕而大被是以
飲風露而華采集烏魚而游戲五月清涼三伏不暑
曠漠之區煙波之宇根蒂懽娛枝葉容與花神每遊
息以無窮生意亦隨之而不去吾子不聞王之後宮
名西施者乎采掇不盈觀者如市羨我頽華中心如
駭此固千載之所美談而風人之所載記豈若茲主
人之處我也陶以爲沼以灌以壅覆之井幹以制以
控苗藥抽莖束不得縱炎暑結棲郁與魯聞豈復

之見推。而請君入於。是甕。實遭時之不偶。爲觀者所
侮弄。是以見先生之來。有不能以言通。而謬以意動
者也。余應之曰。何子見之不廣也。吾聞白子之先以
至於子。皆得以君子名者。豈以託居之廣大。而顧盼
之光榮乎。直幹不撓。虛中無物。竅多比干之心。清映
伯夷之骨。含芳烈。其愈溫。處驕炎。以不熱。眇可望。而
莫親。殫易事。而難悅。翩颺欲舉。挺生冰雪之姿。瀟灑
出塵。不讓神僊之列。是以映清流。而莫增其澄。處污
泥。而愈見其潔。且吾子既不染於污泥矣。又何廣狹

之差別。縱遭時有偶與不偶。何託身有屑與不屑。花
乃垂頭默然。似失仰而微笑。似有所答。知君子之冷
名。非外物以丹腹於時。遊魚躍於梗底。翡翠集於房
側。微風芬以襲衣。纖月高以映悅。乃命上人酌酒而
別。

梅賦

有徐庾之麗。而徐庾無其峭

往。予薄游海外。聞羅浮之勝。而未得登焉。蓋昔所稱
入夢之種。不可得而見之矣。涉冬出大庾。見庾嶺之
梅。則多麤理。而絳襦者。歟。抵玉山人言。東嶽之奇。往

觀焉。則見其孤生。環古偃伏。廻卷一花千葉。並蒂數
萼。忽上竦而扶踈者。歟。至於依山臨澗。覆橋橫野。間
松雜竹。屋角墻茨。境非不美也。未聞其走馬而征輿。
豈非品質靡異。類別有區。人固玩視其習。而好言其
殊。爾其孤稟。矜競妙英。雋發肌理。冰凝幹膚。鐵屈留
連。野水之煙淡蕩。寒山之月。誰一撥而集霞。葩五出
而爭雪。側披斷磧。委朔風。其將吹。忽上高空。助凍雲
之欲結。杪數英之半掬。中萬斛之一搏。古幹橫肱。玉
龍游而張甲。編條聚腦。白鳳戢以梳翰。珮玦繽紛。何
啻凌波之子。肌膚綽約。無言姑射之仙。趣將幽而見
取。豔以冷而爲妍。縕香氣於空表。弄皎色於霄端。瘦
影橫窻。臞然山澤。素覓麗璧。忽爾嬋娟。託使將傳。寄
江南之遐信。隨風暗度。報塞北以春天。羌笛一聲。韻
全飄於織指。素琴三弄。神屢託於冰絃。是以古道清
流。墨工圖史。或拗之爲一窩。亦種之於數里。圍棋酌
酒。相與偃臥。其中落月。迴風務印。縱橫之所。彼稱旣
醉。逼清氣而不勝。我則含毫。占春光於長佳。斯亦可
謂一節之高。而未足以盡曠然之意。乃有巖居之徒。

溪飲之老短褐黃冠龐眉壽考跨蹇策筇熱漿烹藥
望谷口以窮搜坐石頭而拂掃亦有游心道德之儒
含思風雅之伯讀易說詩於其下咏騷作記當其處
飛觥爵於彌留顧徘徊而不去景得人而益增人因
景而標致斯風格之雅幽而韻調之殊異亦足以快
心暢神洗囂破滯又何羨乎羅浮之奇而東嶽之麗
且余觀夫梅之爲物也得氣之先得液之酸酸者木
之正味先者序之履端先則渾淪龐篤含泰和而獨
飽酸則甘辛鹹苦受何味而弗便含之飽者發斯盛

便以受者和必完是以先驅百卉遂占上林之苑均
齊五味兼濟商鼎之鹽其始也點綴文章洩天地之
春於一夜其終也調和願養收天地之功於萬全曾
不知其處寂寞而貞厲守冷素以自恬悠揚乎松菊
之圃盤錯乎水石之間風飈撼之而不動瘴癘攻之
而罔顛雪霰既零條枚益肆陰幽外剝陽氣內漸迨
花實之致用歷世味之飽諳何桃李之弱質敢先後
以齊肩苟天將降是人以大人察物理而明其固然

前破械賦 趣

嗟乎哉西河殘守東海孝婦差之豪釐千里岐路寸
脰尺支二木一金昨日何重今日何輕其在今日也
栩栩然莊生之爲蝴蝶其在昨日也遽遽然蝴蝶之
爲莊生

後破械賦

爰有一物制亦自斑鶴喙不啄琴體乏絃乃偕二友
木竇金紐與之爲三脰及足手一人邇之不棺而朽
多其高義隨我四年我分別之何心棄捐二三神明
駕鶴其首司其去留爲我撞剖嗟乎哉爾完我死爾
破我生破完倏忽生死徑庭可不慎乎敢告司刑

畫鶴賦

工部進鵬得此有匹

朱冠縞衣四池玄綠鐵脰昂尻金眸夾顛長喙易渚
圓吭聞天乘寥廓之高抱小蒼莽之微騫忽一舉而
追九萬之翼亦孤栖而養千歲之玄爾其焦山瘞銘
桂陽避彈道林縱歸揚州負纏乘軒衛國徒傳甲者
之言聞唳華亭誰共吳儂之歎由此觀之則形骸易
泯不勝留影之難楮墨如工返壽終身之玩爾其
筆和鉛徵精召巧或磅礪而解衣亦凝澄而命草想

袖羽而彷彿於青田。揮束穎而希異其玄妙。則有翩然以臨劃焉。凝佇矯矯波間。亭亭松際。黃樓酒價全憑橘。藩而高赤壁。夢回徒憶車輪之翅。乃若素壁財粉。朱門始光。徐展玉輪。高懸玳梁。數丈輕綃。方挂瀑。一雙語燕。忽驚行灑。孤雪今。毳毳頂股。荔而氏昂。方拂瀾而振翔。亦將嘯而引吭。贗以爲真。儼致花之粉。蝶久而始覺。誤集障之蒼蠅。然則物固往往有神於繪。而便於玩者矣。又何必網兩翼於蒼蒼。

緹芝賦

飭詞妍美

繫探珠之巖榭。迨臨鏡之波館。地並秀以雙美。氣偕和而競煖。爰有物以名芝。忽卷然而從窾。如苗玉而束瑤。旣杼輪而揭繖。下編練以裊中。上緹纁而表袒。皚薄雪之將霏。載彤雲而未斷。巨者二咫。映彼湖荷。小者徑尺。燦竹妍柯。河邊織錦。掇支機而罷杼。漢宮剪綵。停寶鉸以羞羅。使君溫恭。崇抑斥揚。歛襟下問。爲災爲祥。旣登覽乎隅椒。復臨泛乎汪洋。恐盛德之點壁。惟偃步以循墻。爾其芝固無言。默呈以露。吐瑞藹之氤氳。儼郁霏之煙霧。芳嘒嘒以襲衣。裊亭亭而

素。遶。數。尺。之。玄。壤。瑟。週。離。而。奄。布。示。彼。絕。竒。逸。於。往。賄。非。家。積。之。餘。慶。符。天。心。而。曷。故。於。是。使。君。讓。之。不。可。推。之。不。去。把。酒。號。曰。子。爲。我。賦。卽。斯。語。而。官。商。謝。不。敏。今。恐。負。亂。曰。使。君。玉。除。盛。芝。英。今。一。貢。廷。今。兩。侍。於。楹。今。斯。爲。之。徵。今。使。君。眇。痾。匪。蒸。成。今。芝。草。生。今。采。以。鑄。今。壽。百。齡。今。斯。爲。之。馮。今。

十白賦

有序

亦諷亦悲

予被少保公檄自獲白鹿而令代表於朝始其後踵至者凡十品物聚於好殆非虛語歟

時予各欲賦以諷公未能也公死於華亭氏予寄居馬家飲中燭蝕一寸而成十章諷固無由且悲之矣

鹿二隻

爰有二鹿雪皓霜瑩後先互呈以雌以雄合八蹄而兩角蹲並壁以交穹桓桓撫臣敢告世宗謝山海之華食仰芻豢於上宮諒遭遇之有時胡人與物而匪同

兎

謝彼月輪來此人間朗晴珀赤妙毳雪寒豈韓盧之
可獵與鳧蜍而共跚曩者食客之謀匪爲營於三窟
今也走狗之鑊潛垂涕以雙游

鵲

即使常羽亦且知歲矧伊白鵲而胡不葦匪舍疆以
效鶉詎攫雛而學鷲秋梁作架宜並色於銀潢古印
幻騰羞托翼於金墜

猴

瓊赤玉誤
爲白沿耳

人亦有言王孫可憎衣以周公裂冠毀纓胡是物之

善幻脫蒼鄴以膚瓊莫四朝三豎狙公之可罔既冠
且沐致韓生之就烹

鸚鵡

昌黎二鳥賦云
白鶴亦與貢

鸚鵡來巢春秋紀之皜皜其翎曷其有之我在幕中
實維背之不貢於廷拚然起之

鸚鵡

黃冠白章其鳴嘒嘒殊彼凡羽綠襟朱喙柰此條籠
將飛復墜我則禰衡賦罷隕涕

龜四

念寶龜之素甲。羗迸迸。今冰雪載九疇。而出洛帝與
茲而借錫。雖入網於豫。且苦靈骨之就鑽。亦托跡於
莊周。恍曳尾而超越。

麕

拾遺有言。微聲及禍。視爾霜質。秉金畏火。踵白鹿而
後來。既已非時。向青草而長。庶庶其得所。

鼠

聞爾貪殘。曷能冰潔。乃縞膚而素毛。矯變緇而為白。
獨不聞胡粉之晶晶。今始黝於鉛黑。

黃頭

時賞羅者頗溢

鳥曰黃頭。猛以善鬪。白秉金精。儼爾介冑。虞人網以
奏功。如拔猛士於千夫。幕府喜而錫金。似擲抔土於
一覆。

徐文長文集卷之二

終

徐文長文集卷之二

公安袁宏道中郎評點

門人閔德美子善校訂

樂府

張家槐

樂府俱近古惜拘於古

張家槐鵲巢枝使君纔出戶闔扉鞭行人上及飛
彈鵲母連鵲卵鵲母棄雛走何所曙衙開邸報來使
君朝去鵲莫歸

悲饗歌

吳人饗越人俎一臠忤舌死杖下肉少甘骨爲土

歌風臺

時漢高將夷英彭諸猛又知猛者守欲背故曰安得和葛鄂州作

醉媪酒臥媪壚武家壚畔鼾呼呼豐沛中群酒徒噉
季鼻大糟所都誰喚隆準而公平十二年左纛還着
紅衫應午炎七尺所臨萬馬環諸王列侯敢不虔獵
徒酒伴隘巷看獨召故老金爵乾惜青春赭朱顏乃
思猛士得將安歸問野雞還我韓

又

鄂州篇衡縣權渭也俯拾所殘悲異代良楚酸謂河

高水流拍天渭兩過之河未然麻姑量海海愁淺三
尺鳥爪沒至骭大家作計一何長請看何人偏墮短

又

英彭不雌季心所猜今布越耳終當爲豨終當爲豨
不如我先之舊所得猛士十當一無遺十旣一無遺
安得不歌以思

又

騅渡江八千從非父老是使彼安識籍與梁巴蜀公
編新城奉三老教發帝喪義兵若河日以東乃知王

者師上親長禮教下首功蜀公親歷效驗明乃知狂
士難四方守易戰攻誰兼不蹄買蹠擊太牢祀縣
鄉聽叔孫通徵魯諸生驚禮四公遠來于商

予嘗夢晝所決不為事心惡之後讀唐書李堅

貞傳稍解焉

堅貞十七之死靡他上數夢男子百兩以御叶貞覺

而恚莫知其謂華盛來胥蝶我貌未悴廢沐垢首塵

膚敗裳如葉未秋虐使萎黃自茲以往必寢且覺角

雀謝穿篋梅罷標卷婁雖羶理不樂蟻矧已肉矣曷

感而蛾音萬有膠轄曷可詰呵皇矣上帝其將謂何

六昔

昔朋友雉與鷓不得已今為梟 昔骨肉鶩與鴨不

得已今為鶻 昔宗親鵠與鶉不得已今為鷓 昔

官府騶與虞不得已今為虎 昔乳煦汗血駒不得

已今於菟 昔黔蒼萬夫英今視之蠅所生

徐文長三集卷之二終

徐文長文集卷之三

公安袁宏道中郎評點

門人閔德美子善校訂

四言古詩

鴈臺詩

陸子嘗買鴈放之因以爲號又鴈臺在杭江干

左江右湖，名山有臺。近陽背陰，鴈爲之來。江海之大，增繳九矢。待鴈不來，涼空覆水。主人有馬，客亦有舟。出自郭門，於焉遨遊。群焉以栖，人亦鴈爾。莊周爲蝶，孰揆厥理。買鴈放生，入雲出塞。有問炙者，張目不對。

土魯番貢獅

羗飯官驛斯物不的官馬當災騰于馬脊俛嘴以牙
嗜馬肉炙四蹄裂馬如人裂帛獸威孔武觀者色沮
媚此羗胡若媚其母余呀以咨羗曰余乳當其出穴
若嬰離襦不見牝獅惟見我哺斯言不欺梁鴛養虎

徐文長文集卷之三

終

徐文長文集卷之四

公安袁宏道中郎評點

門人閔德美子善校訂

五言古詩

與林玉兩上人登會稽最高山山出秦望上率

可五六里玉公早有來歸之意因賦以止之

茲山一何爲仰首摩青雲遠去氣色古氣○衆○奮○然○混沌儻未分

引盼涉陝洛毋乃隔夕曛中有舊社址尚見數偶群
短草覆井水遠松貯氛氳薄雲在其下猶暴高頂巔

玄釋諒能居，人世未可云。念子覺無上，夙昔斷羶羶。
焉能繫不食，焉得不耕耘。况茲值秋陽，寒氣慘不昕。
未可來居斯，語子以慇懃。

來晨憇廣孝寺

中唐雅調

可憐荒宇在於焉，恣游賞古砌。伏野草唯餘，聖賢像
巨碣指高樹。御墨浮天上，昔人不在斯。悠然引遐想，
曙入烏初散。道寒露猶瀆，回睇高山岑。翻然策筇杖，
登秦望山。

登秦望山

素情忻晏遊，碩人事永矢。上此萬仞山，復沿北溪水。
顧瞻江海流，神去蒼茫裡。後峰千里來，旁嶂兩川起。
往昔窻中翠，今茲巔上視。佳哉是觀游，吾鄉亦信美。

沿秦望溪水

流水澄若無，溪魚宛遊空。磊磊聚圓石，澹蕩偏能工。
高寫象山曲，伏響迴草中。何朝飲麋鹿，蹄踪去難窮。
秦望山東南，下折有峰紫。鐵色錯豎似，花蓋土

人呼雄鵝突，余贈名花蓋峰

聳秀

錯如鐵色紫，出土幾千古。寒空蓋尚繁，秋水蓮難吐。
刻削差可擬，帶插不添嫵。宛如齒齟齬，張吻訟所苦。

千秋獻組繡，名號未得主。直少讓中岑，他山視應父。
借言花蓋峰，來春開何處。

海樵山人新構

古莽伏圓址，新構敞方榭。去家不百步，連山凡幾架。
衡門夾楸欄，甲池注微瀉。群峰列窻牖，佳木依簷瓦。
碑碣墻垣中，階級陂陀下。曠霽坦以來，遠暮蒼然化。
亭北指夕月，高臺嘯清夜。嘉賓燕屢入，麗人時或迓。
臥榻楔巖石，旁戶達僧舍。主人胡不歸，樵海未云罷。
東樵遡遊風，於茲焉息駕。

又曲池

濬池壘青山，山色落池裡。上栽百歲樹，下過三折水。
日夕衆鳥下，客至數魚起。助筵摘果實，開蕪種芋子。
上山一以望，高城正東迤。波漾堂壁瑩，野濶登覽美。
羨子善結架，多在聚景址。彼亭旣孤絕，茲地何曠爾。
與楊子完步浣，紗溪梁有懷西施之鄉。閒後
明月照江水，截梁與子步。當時如花人，曾此照鉛素。
江流不改易，月亦無新故。薄雲淡杪林，晴沙泛寒素。
借言伊人閨，應在煙生處。

讀莊子 可慨

莊周輕死生、曠達古無比、何爲數論量生死及大事、
乃知無言者、莫得窺其際、身沒名不傳、此中有高士。

海上曲

雪隱城月高、使君梯樓坐、縣綆訊諜士、但自苦城破、
問賊一何多、數百餘、七箇長矛三十六、虛弓七無箭、
腰刃八無餘、徒手相左右、轉戰路千里、百涉一無軀、
發卒三千人、將吏密、如果賊來如無人、俸至使君下

又

暇日棄籌策、卒卒相束手、四疆險何限、但阻孤城守、
曠野獨匪民、棄之如棄草、城市有一夫、誰不如木偶、
長立睥睨間、盡日不得漫朝食、雪沒脛、夜臥風吹肘、
彼亦何人斯、炙肉方進酒。

日暮進帆富春山

日暮帆重征、江澗眇無度、峰翠逐岬來、樹榦參天去、
千里始此行、一日卽羈旅、石瀨駛清磷、雪壑聳殘素、
回睇吳山岑、蒼蒼眇煙霧。

發嚴州舍舟登陸縱步十五里憩山麓叢榛遠

眺江中怪石

乘舟坐無聊，遵途岍轉杳。急流赴海馳，怪石橫江倒。
仰睇峯崎側，惟見蒼翠矯。覆莽映赭壁，枝弱不勝鳥。
縣崖窄可步，聚纜密如篠。舟子勿前征，前路煙生草。

將至蘭溪夜宿沙浦

語句恍惚太初

中夜依水澤，羈愁不可控。遠火澹冥壁，月與江波動。
寂野聞籟微，單衾覺寒重。託踪蒲稗根，身共鷗鳧夢。

早發僊霞巖

似杜紀遊諸詩

披衣陟崇岡，日中下未已。雄偉奠兩都，噴薄走千里。

百折翠隨人，一望寒生背。高卑互無窮，參差錯難理。
蔓草結層冰，喬木秀縣藟。晝餐就村肆，小結依崖址。
去壑知幾重，剗竿引澗水。回視高峽巔，鳥飛不得比。

自浦城進延平

溪山孕鐵英，怪石穿水黑。馬齒漱寒流，冶火融初滴。
方艇走石罅，白日飛霹靂。操舟信有神，出入坦然適。
以知庖丁者，游刃有餘歷。循理稱達人，險難亦何惑。
夜宿丘園喬木蔽，天大者幾十抱。復有修藤數

十尋縣絡溪渚

老樹拿空雲，長藤網溪翠。碧火冷枯根，前山友精祟。
或爲道士服，月明對人語。幸勿相猜嫌，夜來談客旅。

涪澹灘

黑鰲穴地出，噴沫從天下。春雪跌深潭，奇也驚雷迸鐵罅。
回思身所經，險恠幾日夜。老石萬片焦，飛湍千里射。
藥叉窺綠淵，人命輕一莖。或似鼓太冶，青銅沸將瀉。
女媧撒餘礫，頑查攪不化。念彼旣憮然，值茲殊可訝。
短槳起沈舟，凸字捩深窞。因之誤絲髮，長與世人謝。
浪怒一何愚，終古不得罷。有時搏陰飈，寒色慘朱夏。

借言呂梁叟，何時咨閒暇。余雖愧達人，笑對成一喙。

閩溪舟漿形如凸字

泛舟九曲

老王亂青冥，皇天夜遺蛻。餘骨散九州，頭顱此焉寄。
人視萬劫餘，天意一夕計。遊艇沸滄波，髣髴熱管衛。
亭午入數折，冲然元氣閉。縣峰昇羽人，毛竹倚仙林。
辟彼齒牙蠹，生死齟齬內。世人不解音，但識世間事。
示之帝所遺，惟以溪山睇。

武夷道士示予魏王子騫蛻首見紫氣

不死者已去。死者留人間。骨骸自何夕。飛置山之顛。
取視始伊誰。縣纒月屢牽。而不如餘鬼。安臥攢青蓮。
道士苦斯役。留函閣高椽。過客好奇異。啓閱請自便。
茲物真仙靈。磊磊黃琅堅。高頂泥丸宮。紫氣猶一弦。
晦明準天時。白黑互糾纏。胡爲黃冠流。示人禍福先。
爲予而變易。無乃勞子騫。玉蘊山色輝。斯理良自然。

丙辰八月十七日與肖甫侍師季長沙公閱龕

山戰地遂登岡背觀潮

奇縱

白日午未傾。野火燒青昊。蠅母識殘腥。寒脣聚秋草。

海門不可測。練氣白於擣。望之遠若遲。少焉忽如掃。
陰風噫大塊。冷艷攔長島。惟沫一何繁。水與水相澡。
玩弄狎鬼神。去來準昏曉。何地無恢奇。焉能盡搜討。

十八日再觀潮於党山

秋水自生幻。海若安措手。驚雷砑雪獅。萬首敢先後。
山窺本避濡。俄驚足下吼。老壁拍波塵。千仞落衣袖。
望窮不見外。激灑明滅久。人天儼未消。劫火燒宇宙。
往昔每一凭。恐怖經旬晝。那知迫視惟。其怖應不朽。
豈惟我恐怖。天地亦應有。景往目旣遷。恐怖亦却走。

蕭荷花祠

俗傳露筋娘
娘者卽此

荷花一夕凋。萬里秋無色。獨遺花烈芳。千秋襲陂澤。
揚舠遡大湖。風緊日已夕。水鳥習舊栖。戢羽茭菰白。
弔古解維舟。去听不盈尺。秉燭褰繡帷。金翹儼宮額。
燭滅颯然中。神爽凜孤鬼。念此芒叻微。奚啻雄虺索。
豈無冶容膏。貞肌以爲臙。念茲不能忘。惆悵至明發。
送明教往上海

翫雪東門家。天寒雪正下。繁林積素花。群山映簷瓦。
杯至不得休。語密不可罷。鳥集池樹顛。色暝天欲夜。
顧予同心人。而有太息者。云我爲道謀。安得與君舍。
余爲重解疏。歛襟向前謝。超言雖遣累。離緒難釋罣。
駕言春陽初。那得便徂夏。執手歸路中。衝寒爲君話。
寄善畫葛君

展筵不盡規。墨色鮮於洗。細圖萬壑雲。寄我青山裡。
感之不能忘。聊寄短篇耳。

入燕

近選體

董生抱利器。鬱鬱走燕趙。賤子亦何能。飄然來遠道。
行止本無常。譬彼雲中鳥。朝飲西園池。暮宿北林杪。

感事復懷人生年苦不早欲弔望諸君跡陳知者少
垂首默無言春風秀芳草

古山篇贈余君

漸近自然

余君本今人而有懷古思三年臥白雲一醉撫流水
握管掃素箋閉門謝時事懶與今人交自號古山子

贈陳君

杭直

珍木無弱羽廣川饒勁鱗

皇都鬱嵒峩多士如繁

星陳君在鄉曲少小馳芳聲去我三百里可望不可
親昨予志廣覽自越之燕京見君長安道一問知姓

名却復訊動止握手爲予陳自受相公知忽忽復幾
春一朝去鄉校今作太學生言溫動有禮志壯氣自
信哲顏口若海豐下而長身再往論文史終夕如倒
困藻思蔚以妍儼與骨相并王良御八駿技絕物有
神一日驚千里安得留其行念予復南去攬策臨修
程小見同越鳥祇入槍榆群思君不能置短篇陳素
情

戒舞智

富非聖所却貧乃士之常華屋非不美環堵庸何傷

多才戒舞智、善閉靡不彰、舞智向愚者、弄偶於偶場、
偶自不知弄爾弄、何所償、舞智向智者、譬以光照光、
彼光不受照、爾照何由揚、舞智兩不售、不舞兩不妨、
請君聽予言、作善降百祥、

寄彬中

似太白古風

鄴下老韋布能活、乃下人魯連劇排難、安得專其名、
不見申包子含悽、哭秦庭、萬馬度關隴、救郢却吳軍、
側聞同心人、急難等赴焚、秦師不可出、大義凜已明、
哉、傾本莫致安、命以爲貞、

答和公旦

高垣沿我驅、棘刺長如荻、松柏年十寸、至今長五尺、
一朝鎚籠藩、小鷗決蓬翟、忽逢東來鴻、相煦以雙翼、
逝焉渺長江、別子當幾日、不能偕我飛、一顧一悲噫、

雪

屋腐隙西椽、密雪夜如織、朝窺牀、篔頭白、糝高一尺、
側身不敢搖、寒籠戢僵翼、伴侶同苦辛、何從乞漿食、

寄王子心葵

殊古

葵花似君心、向日解違陰、葵葉我所愧、有足不能行、

與君夙相知，把葵吳山時。今日相思處，南冠繫楚條。
寄陶工部
短劔在匣中，秋水蓮花芒。芒色豈不好，終爲人所防。
所貴金玉資，含輝有餘光。諒哉工部君，璠瑜映明堂。
熏風動九夏，鳴音來鏘鏘。至寶吐洪亮，不特華澤芳。
沈思不能寐，攬衣視河梁。

筠石篇

意色幽蒼

片石插寒塘，泠泠箭竹黃。誰提數寸管，坐到一秋長。
我亦耽清致，傳聞今幾霜。翻飛乏羽翼，那得到君旁。

想見莓苔綠，坐令毛髮蒼。疊膝嘉肺中，望斷雲根觴。
今我操題處，青棘披孤墻。日影淡無色，十月梅早芳。
欲拆以寄遠，無此長臂攘。料理竹下人，應少寒枝香。

蔣扶溝公詩并序

零陵蔣先生者，迅鷗鵬之遐翮，乘龍蛇之屈
伸，嘗欲頂摩青天，手弄白日，不着上下，以栖
混元。早歲妍精孔孟，含藉六經，故說有談空
不詭正道，昔嘗出宰扶溝，晚節薄遊四方，挂
冠拂衣如漚，在海雖隨光揚波於上代，魯

高蹈於海濱禦寇埋名於鄭圃先生放縱於
吾越可謂閉戶造車出門合轍者矣渭伯兄
淮恬澹厭俗弱齡訪道垂五十春玄室冥奧
未睹宮墻遭先生遡舟閩粵放於山陰邂逅
天緣值諸行道顧盼之間疑謂異人遂數語
浹襟懸榻彌月過蒙收畜列諸僕御之徒既
而先生鴻跡遠曠再渡錢塘期許後來意得
執鞭長侍豈謂造物苛猛未更寒暄伯已化
爲異物烏乎陵海尚變人壽幾何金丹未成

玉顏曷駐渭每念此可謂寒心先生哲人胡
以導指南向耶頃者又將浮湘江並九疑直
指芝田家門一入渭於斯際能不依依夫兄
所師表弟胡不爾恐塵凡之姿仙聖所拒嗟
哉死者已矣生人去焉存亡惕心永以爲好
異日吸沆瀣之精景陟壺嶠之福庭飛九還
之丹火騎八極之游氣則天凡殊塗相見無
日緬哀伯氏重以離衷因獻五言

伯氏頗好道終歲事修服道上逢異人髭鬚灑林竹

修禮重致問德音美如玉扣之轉微茫焦螟游廣漠
冀得長奉侍雙飛向王屋人命安可期天猶互寒煖
念別正徂暑墓草已更綠瀼瀼日中霜亭亭風際木
逢師苦不早煉攝總成哭

柳浪堤楚頌亭二首爲溧陽史氏題

夾岍千章柳青春翠浪浮如將曲池水共作遶堤流
長蛇偃青蔭水鳥悅芳柔試於垂縷處一繫木蘭舟

又

屈子頌匪今軾也志空寓千載伊誰子后皇錫嘉樹

曾刻刺崇檐青黃揉廣仄見離騷永與茲亭留不遷乃
其素

昨見

與下首俱佳

昨見食偶者析偶以爲薪零星椎股腓寸尺移尻臀
心胷本無有斧亦集其垠辟彼偃師工立剖瞬者身
彼偃師者析庸以免其嗔免嗔豈得已爲薪豈無榛
何忘食女德辛苦二十春食偶者答言當其爲偶辰
我卽薪視爾爾自不我知我志如此矣我欲爾也歌
爾卽軒厥舐我欲爾也舞爾卽蹈厥趾我怒爾辱爾

我笑爾唇啓。凡我所控提。爾卽如我自爾。自不覺知。昧我蓄薪志。

偶也

偶也難億。詐爲魚豈無知。假令魚爲偶。亦安避薪爲。此亦豈無謂。聽我歌此詞。當魚在沼時。沼濶不容坻。沼旣不容坻。研復朝洗之。洗多墨豈少。墨積盈沼池。從此再洗。洗喁恒在茲。唇外無滴滴。縫唇墨卽入。何況相沫唏。君在大氣中。塞海皆氛霾。君今口與鼻。能免不埃噫。蘇武在虜中。磕頭皆羊羝。死生憑羝輩。

起處亦抵隈。豈惟起處隈。嬉寧謝羝嬉。君儕人如此。而况我也魚。我聞君里諺。契我魚也志。非伴情所知。事急隨則隨。

狐粉

狐妖幻黛粉。窈窕美佳人。慕予且宜笑。情好緣相親。物與人異調。孰識僞與真。答子以慇懃。靡曲匪好音。魅也一朝敗。情歇音則存。我欲灰茲音。匪乏煬與薪。譬以寶貽魅。寶旣不我存。何由奪而燼。存此貽魅曲。以不磨魅愆。

補屋

僦居已六年瓦豁綻椽縫每當雨雪時舉族集盆甕
微溜方度楣驟響忽穿棟有如淋潦辰米麥決篩孔
五月候作梅一雨接芒種菌耳花篋衣爛書揭不動
樵子不上山薪炭貴如礦生平好樓居值此念愈踴
數椽猶僦人安得峻櫨棋買瓦費百錢已覺倒囊籠
命工勿多攤擘艾聊救痛

作松棚 豪快

種松六萬餘千五百株活長養二十年大者僅如括

西齋落日多六月苦炎熱鄰園樹木稀遮翳不可得
顧言種樹資求用此時節命兒召兩傭伐幹并其鬣
幹以需柱梁鬣以備周匝四垂慎勿卑涼風任超越
時移一丈板獨踞文竹兀伸紙二丈餘舉墨陡一潑
左盤持蚌螯右罍把饗餐挂衣梅葉梢綠陰灑晞髮

埋葡萄 興趣幽

去冬雪作殃無物不凍死橘柚斷衢州松柏亦多痺
園有月支藤盤屈四五咫結實苦不多一斛有餘委
迨其堪落時丸丸挂璫水一日十挈竿與鳥爭啖抵

將以餽隣翁竊恐晒微細欲以付果坊不足一餐費
幽之瓶盞間漿潰敗其脆渴夜艱茶湯暫可灌消肺
比者理舊須應手落枯瘁及至更提攜僵梗忽斷碎
如人兩手足而痿其一臂支幹既以孤收獲焉可倍
夏景苦桑榆聊以障西墜

刈圃 似韓

草孽始一寸及壯丈有餘豈直數卽帶兼以館蚊胥
夜熱不可寐寧止不露居竊恐值此輩股髀遭其咀
就中擬厥罪蚊也尤其渠其他不出境惟此遠追趨

穿幃眇紈塵打撲不勝劬更番以迭進安得盡屠誅
聚響苦不震萬齧啾嬰雛工者攪夢寐一夕百起呼
蚊孽固莫逋草實主其追呼童問腰鎌不用安所須
薙此忽如掃一翅不得儲譬彼塞垣莽往往伏戎胡
打冰燒其荒窟穴空妖狐莫謂野人賤刈圃非雄圖

鼉磯研

研封石鄉侯隄糜墨也新樂者青州王也

向者竇端歛近復珍鼉磯在海感蛟蜃文理多惟青
白者爲雪浪星者黃金泥碎者銀作砂角者絲纏犀
舉手摸其理索索鏗響飛分符軍石鄉庸以塵

曩者辱新樂遠寄青州來一夕忽失守仍召頑滑資
一字十研磨一行百推移淹此所陣馬羈控不得馳
乃者董文學匣有方尺儲舉以爲我贈與新樂不殊

問軍中之系於國用

吾宗兩支其一雖衰而時
一振尚有 對于 延而

仕者最衰者
則我之支也

吾宗異秦嬴秉德嗜仁義縣延值

盛明仕版頗齒

齒先人秉魚須聯蟬及諸季列秩下大夫往往有三
四迨及賢科書至今時一綴萬木有榮凋一體互強
脆屈指四紀來學痺劇一臂耕者鬻其鋤賈者降爲

儉士者無一人慵者倚而待飽者幸免饑饉者幸未
丐至論亂嗣間十室九蜂蕪墓寢蒸禰時顧影兀孤
介甚者乏繼承餒鬼滿蒿雉余雖有兩兒性頗仇簡
冊飲牛未渴辰按項不能俛綠茲傷後昆思欲譜先
代念彼從戎人蔓遠瓜尚帶况值用也來舉扣其大
槩彼衰更倍茲擲筆爲一慨

避暑豁然堂大雨

可謂無景不寫

梅候苦歎蒸幸得五日霽涼風驅濕魍奏功未全濟
眷言高山顛有堂敞西翠松篁作籟竽蕭颯爽神智

乃借二、三子挂絺於其地買酒穿市中炮鼈腥道器
止取醉飽爲安能謹趨避袒跣擇樹依叫號枕磚睡
郡邑迫東廂狂來忘邏逮冉冉日將傾理筇方卽邁
雷雨自西來初尚雜晴蜺一言未及終振瓦落簷外
衝風捎健鶻寸進得丈退高景殊卑觀竄鳥在眉際
木言迹炎尚翻令咏奇致百事兼熊魚往往非着意

哀駱懷遠公驗詞

懷遠好詩什近體有佳聲遲余去五泄深衣遠相迎
長身而瘦頰自有山澤清命酒不停竿酒罷有餘情
迨予歸來後往往問寢興琥珀腊松火柿縷霜秋晴
寄此遠篋篋兼致倡與廢何時臥狸首聞之使心驚
道遠不得往述此泉下羹

野蠶

幽細那自若

越桑雖云盛不及吳中繁越女賣釵鉤僅可完蠶山
如斯苦拯救良亦可憫憐如何野蠶種孽息多今年
曳絲滿郊郭食葉留其觔葉葉如蟲網枝枝垂釣緜
涎縷無所用膠衣黏頭巾過者苦拂拭桑女交橫
提筐往西園空手歸東隣卽欲買釵珥有錢無桑村

嗟彼機上杼。秋來鮮聞聲。匪來猶可說。國輸良有程。
衣食無二理。蠹衣與食均。嘗聞捕蝗法。及此同蒸焚。

范母詩

卽燦母

秉節三十年。萬有二千夕。一夕改霜心。曉鏡換粧額。
范母二十二。獨居在羅幕。五十七乃亡。天長日幾落。
獨持一寸冰。萬古膠夜席。當夏不得融。何況秋霜白。

白鵑

錢子易書故曰王孫書後也

野性悅鳥魚。客寓尚籠致。正如好竹人。借居亦栽蒔。
鵑鳥自南來。買入西河里。王孫好法書。籠以易吾字。

墨絲繡雪衣。綠罽作襦帔。有時轉喉中。鳴若嫋雲際。
日夕湖水波。秋樹葉微紫。送客不出門。白玉掃長堦。

越王暉寺有僧歐兜蛻

味如薄日幽花

伯圖旣灰寒。衲蛻亦禪冷。都付塑工泥。迅矣千秋瞬。
我來值桃花。有似蝶遺粉。一宿歸去來。晨齋飽蔬筍。
子效索贈其兩叔

勞子爲我言。翁去不復活。骨鬼旣已寒。生事亦不熱。
多我諸父慈。視侄等兒列。時時惠釜鍾。廚中作糜糜。

送章蒲圻之官

嘉禎

傾蓋語日斜肉風吹兩竅惜哉越雞翰遇鵠不能飛
眷言激獎私忽駕就遠道尚矣漆園心爲吏不敢飲

柳元穀以所得晉太康間冢中杯及瓦券來易

余手繪二首券文云大男楊紹從土公買冢

地一丘東極闕澤西極黃騰南極山背北極

於湖直錢四百萬卽日交畢日月爲證四時

爲伍太康五年九月廿六日對共破剪民有

私約如律令詳玩右文似買於神若今祀后

土義非從人間買也二物在會稽倪光簡冢

地中於萬曆元年掘得之地在山陰二十七

都應家頭之西尚有一白磁獅子及諸銅器

銅器出則腐敗矣獅尚藏光簡家 閩有黃

兔窰

遙思冢中人有杯不能飲孤此黃兔窰伴千三百稔

券鏹四百萬買地作衾枕想當不死時用物必弘甚

尊壘羅寶玉裹袜賤繡錦豈有纖纖指捧此鍛泥草

存亡隔一丘華寂迥千仞活鼠勝死王斯言豈不睿

又

古人笑不飲，此說豈無見。五斗叫劉伶，哀來淚如霰。
嗟彼太康子，冢中亦杯坵。固知好飲徒，無咽可澆噍。
杯出黃土中，忽復受傾灌。譬彼避秦人，乃不知有漢。
我欲學盧充，詣市賣金盃。庶幾遇小姨，知是崔氏玩。

送蘭公子

阿翁學師也揚州人

耶溪芹藻色，相伴秋荷老。公子竭重來，傷心那可道。
會日苦無多，相別一何早。八月廣陵濤，一葉渡殘照。

夜雨偕友人進舟雲門

幾與杜爭毫釐

夜影壘中流，進舟篁竹浦。鳴雨來斷雷，山雲濕可譜。

及听沿黑堤，攫猪復愁虎。燎火得緇徒，怖餘澁言語。
芋壚聊炙衣，一笑賴尊俎。

天目獅子巖

巖是青峰，譯處相傳嘗爲張真人所擇，所爭而有之。張道陵與魔爭。

青城事見其傳

我昔聞真人，言修不死身。選地滿天下，與鬼爭青城。
一岫插天目，宛爾怒猊狞。老釋據其口，黃冠復來爭。
黃冠匪他人，云是真入孫。聃曇本上聖，高道超沈冥。
說教雖異軌，俱以退讓名。區區百尺鐵，青紅抹秋榮。
龍女買色線，一夕繡可成。胡爲兩龍象，角吻同蒼鱗。

賦此覺蚩蚩鑒之慎勿聽

燕子磯觀音閣 起語酷似大蘇結更蕩放

青山如美人樓觀卽奩粧若無一片鏡妙麗苦不昌
茲石一何幸值此江中央上乘巨構支下集帆與檣
朱碧得水鮮鳧鴈拂波光煙霧不見海神去萬里長
我與三友俱兼以僮僕雙日西買市飯半道謝驢韉
五口將十足蹶然偃且僵百錢成一遊安得甘旨嘗
歸來乏燈燭微雨沾我裳沽酒不成醉頽然倒方牀
猶夢立閣中遙觀大魚翔

野火

馬血爲轉燐人血爲野火何爲松柏間赤輪陟如跛
人言鬼炬微神者赤而大騶導向空馳填雲盛旗馬
枯冢僻且荒來遊則云那我欲往詢之恐卽無可話
隔河聞於菟黃犢夜在野一夫呼以馳炬滅松露瀉

鷹

味嗽相鷹書也出雜俎

俱雄逸

味嗽識奇才千金買遼海鐵翻睽秋空鴛鴦百翅敗
雲中作戰場韓彭鼓天外

馬

誰家連錢驄，
秘撥黃塵起千里。
一飯間九州能有幾，
健兒不得騎，
淚落青芻裡。

犬

少年獵平原，
左盧右宋鵲。
兔起鶻落遲，
一顧先已搏。
但莫空中山前頭，
有湯鑊。

狸

狸雖一尺軀，
猛氣制十里有時怒。
一號無牙墮梁死，
安得此輩來坐吾書匣底。

俠客

得此覺古詞爲腐

結客少年場，
意氣何揚揚。
燕尾茨菰箭，
柳葉梨花槍。
爲弔侯生墓，
騎驢入大梁。

麗人

與太白素手青條上並勝

何處行雲去，
遙遙出洞房。
月裡儻並色，
鏡中無此粧。
所思望不見，
緜袂日邊揚。

才子

芳俊恰合

佩筆不須長，
高唐侍楚王。
紅蘅槩邊出，
白雪口中翔。
殺青供不及，
一夜白瀟湘。

酒徒

古麗

御史別淳于。金釵墮長夜。五斗不濕唇。雙鬟抱壚。濕笑殺。斗升腸耳熱。索竿蔗。

遊大尖

松茂桃復盛花

萬松滴千山。妙翠不可染。割取武陵源。固是天所遣。秦人跡無有。雲中叫雞犬。夜泊漁舟來。下山尋不見。空上人常住。少林索作於菊下。

閒雅

相逢菊花下。相映菩提光。試問少林壁。穿雲幾許長。指月莫盼手。擲拂開挂墻。睡軒微作吼。獅子一時降。

宗孫有別字桂南者索賦

天桂山在城南

天柱插南雲。孤城滿蒼翠。小鳳讀書餘。內履窺粉雉。大魚作鳥飛。風穿萬林鼻。舍北以圖南。物與人意會。念彼共工額。幸不觸斯際。不然小折傷。恐煩太皞妹。小鳳顧予言。補天吾掉臂。

上家

調通古

吾叔邵武公。當年與我翁。雙陪閩蜀守。竹馬走兒童。歸來知幾日。相繼歸窳窳。黃泥閉雪髭。欲會那可得。叔家城北居。高棟亦彫題。邀賓夕駐馬。爲母日烹雞。一朝桑海換。不能保子孫。負薪冢上道。養鴨水邊村。

我今六十五，仍高破角巾。年年上爺家，每每到孫家。
孫家留我坐，孫婦辦湯茶。以我上冢牲，啖孫且滿引。
遶籬黃蝶飛，抽籬高碧筍。起視檐西東，分簷住蜜蜂。
問蜂窠幾許，四十還有餘。窠窠如不敗，勝我十畝租。

鶴攫鵲雛，鷹黨翻然來救。

桂蘇之間

水鳥修其脛，插彼茄菰澤。俛啄蝦魚深，不下三尺。
况乃嗑中倉，可內寸鱗百。江海饒此州，何往不充噉。
雄鵲知乳雌，作室高樹末。三月始罷斤，是予親所炙。
長脛一何饕，掠雛剽其宅。叔仲兩三頭，自窠寧顧伯。

顧鵲翁與母，叫噪徒額額。蒼鷹等路人，與鵲少平日。
不作鄉隣看，被纓救其格。特恐李陽拳，難蓋鳴垤額。
盛邀爽鳩雄，並足夷門客。朱亥袖鐵錐，侯嬴出奇略。
左右信陵軍，一舉解趙壁。五國破大秦，九合成小白。
義高誠足憐，多筭亦何碩。磔虺黑柏顛，獨奮少犄角。
猶煩拾遺歌，不朽俠徒迹。三復鷓鴣詩，白日爲儂黑。

感鷹活鵲雛事，因憶曩衛衙梓巢鵲父死於弩。

頃之衆擁一雄來，匹其母母哀鳴百拒之。雄
却盡啄殺其四雛，母益哀頓以死。群凶乃挾

其雄逸去

語語古雅

鶴。止。一時古語亮匪誣。戟門巢梓者。狹斜挺羅敷。
少年繫青絲。蹶張戎侯衙。胡不自長守。轉殪雪色顛。
乃向琴瑟杪。落此貞女夫。群雄太無賴。挾鯨匹子都。
有如惡媒姆。送資填門閭。借衣盛絳蔡。叫喚傾百壺。
玩習爲故事。指鴈翻濶迂。孰知狹斜內。而有羅大家。
賊雄殺黃口。希以威怖圖。殉夫義可族。何計收其孥。
此事去已久。三紀頗有餘。其時裂肝膽。狂走日夜呼。
安得毛擘俠。似此鷹活雞。兪州隔幾海。有物暗高梧。

設爲魚蝦所詰

啄鵲憎大鳥。無恠吾子然。從與飽蝦魚。子意一何偏。
鱗卽賤於倮。於孫何擇焉。盛冬水如石。膠鬣不得旋。
孕腸急鞞鼓。張目不得眠。芟菰牙始白。桃花漲春田。
熨塊出纍瑣。多死漁者筌。鱗祿及鵲。較估誰艱難。
矧茲網罟酷。百倍鳥有鷗。雛攫子不許。鱗爛子許旃。
乃乖漆園理。奪蟻與烏鳶。等爲一盜耳。何猛此彼寬。
竊東子則許。竊西子拘鉗。波臣詰如此。而我難爲言。
衆生通本噬。此業何時捐。西方古先生。解破萬壘壘。

龍門儻罷躍飛去好相參汝或未卽去我姑代彼宣
三戒嚴重殺五淨肉亦權鵬飽六月息孝先腹便便

天竺僧

揚帆三竺埃弭錫五羊城黑人初以涉琉球次所經

波弧十五兆日矢九千羸

自至黑人次至琉球至廣
州是海三萬里歲三周以

孤矢筭之
得此數

人疑鵬六息彼視蠖一信衍旣隘九土師

亦聊八垠片楮畫大卵沃焦瀟孤萍劈芥內閻浮粉
塵陋虛鄰鐵籠臥龍象銀瀾恬蛟鯨梵唄隻字掃江
海百谷臣云胡白體底乃有赤篆文象胥幾何譯龍

樹鮮恚喚挂履度蔥嶺跌湫蛻巖雲投夾葢南寺乃
偕領西昆漏沙自箭準聖水他濤奔有爲乃復爾無
量何由臻相色示戲幻接引誣勞塵白馬幸維寺黃
龍未演輪薄痂阻問訊擬待桃花春

煩吳伯子治墓堂

大雅之作豈何李可識

火瘞世日凶水封豈佳卜兩徒踰五紀先鬼偃幽瀑
多子爲我更我蓮往京國買石百尺餘托子安墓阜
子冗辦未遑我歸上冢哭鵝魴設未已老雅掠殺肉
候果墓旁兒指告蟻上燭草設無威儀人怠物不肅

坐此無歡期，改燧十二木。乃三年也昨者賣字錢募工，可五六，仍以煩吾子，歇百了一役。

旱禱十七韻次陳長公詩亦逼蘇長公數篇

俱峭絕

早魃虐以猖，商羊乃深避。雲漢夜昭回，遵彼槁條肆。絕意豕涉波，必死蚌持翠。蜥蜴山澤窮，殺豨屠賈致。黃緇逝，唄山玄冥等。孽贖如聞紫，望禋感通有精義。洪疇儼恒陽，籛露蕭常饋。商林沃乃深，秦天豈終醉。壇今隣閭闔，闔亦撤幽閼。雷吏綠章封，寧有不達字。

油然未崇朝，沛爾條濡遂。虎貓效蜡勞，豐隆讐群崇。連臂解枯樛，極目醒枯悴。歌帝悅穰穰，報典虔惴惴。窶人無農憂，連夕美涼寐。農獲譬中行，美寐狎其次。糴賤勝作農，先生有酒食。

陳長公餉日鑄茶瓦窰港銀魚白下法炮巨觥

夜酌深談次其韻

日鑄標槍芽，月團捲旗避。纖甲赭舊條，柔針綠新肄。瓦窰五寸銀，脊色偃微翠。雙裙誰可談，九肋底能致。伯云準食醫，治以聰我贖。斟炮法內京，酌長非外義。

珍此五侯鯖，慚余十漿饋。主旣唱，無歸客。顧稱未醉，階蟲先秋吟。徑竹上霄閣，叔夜寂鳴琴。子雲寥問字，待扣匪洪鐘。立涸是盈遂，泗鼎曠沈淪。神姦恣精祟，伍員終鴟夷。三閭竟憔悴，白駒返谷空。黃鳥臨穴惴，千古究何窮。再燭不能寐，曲禮問更端。楚詮編復次，伯榼旣已空。吾出吾篋食。

伯子近
稍重聽

修拄杖首修髮，網膠漏磁壺。及哥窰甌某亦病。

隻耳聾次前韻

猾器幸自殘，黠絲巧規避。辟諸鞅掌人，彼逸此獨肄。

一竹楚啼頰，雙磁越窰翠。物非人易求，道遠我難致。無丞有重聽，髮覆彌黨贖。約髮無紀綱，晨帳缺宋義。握粟付駿工，寧減朝食饋。詎意彼駿者，無往不辭醉。編纓高箱塵，馬尾枯橐閱。踉蹌攢八針，邀呼輪四字。浪言伏卵清，竟滌下流遂。櫛束起蓬鬆，嘲呼免臄巢。竹返磁亦歸，黠補色終悴。注瓦智靡昏，捧玉神若惱。甌破視何益，囊空臥安寐。辱卽寵爲下。

老子云寵辱若驚爲下孔

云其次辟色色卽禮貌之衰也
其下則饑餓受周近豕交矣

辟乃色最次屠門豕

豕交寧爲愛而食

早甚久不應禱再追前韻

祝融黨義輪玄冥引車避課窮燧人蘇徵及棗杏肆
輒鮒槁厥頰壇殺禿其翠走索華陽通沈瘦永難致
竟辜燒尾恩翻仇聽角贖玩愒如不聞曠瘵秉何義
余齋廢酒沽朋祭阻肉饋方嗤澤畔醒敢思河朔醉
承風獨有雌納月幸無閔哽哽向隅悲咄咄作空字
朝廷聞客云宵鋤盜隣遂雲密不東郊棘孽復西祟
昨子凜今靡舊殍理新悴漸少藩乞驕而多褐夫惴
待盡歌有爰無叱祈尚寐感此疾威旻遣以競病食

送友人

清佳

寒風夜中起游子朝作客河流一尺冰屋瓦三寸雪
君把轡與鞦觸手冷於缺此時山中人覆絮敗毛褐
欲寄寄莫由此意共誰說

送王雪漁北上

通篇快論中數語更豪雋

淮陰所佩劍不審值何許佩劍以釣魚於義亦何取
一日幾垂竿竿竿可幾鯉叶乃至捐漂廚庸以益漁
腑我取魚之劍聊略爲漁估呂卽非百金資可易數月
黍漁也智絕倫何獨昧茲舉腸饑乞可爲劍去何所

仗之楚復之漢漁並仗劔往可以負漁竿跟蹤見劍
項粹辨恐後時載質先出疆叶上聲王郎不釣魚故亦
無竿餌聞郎所持竿貫以山中紫毫長一寸餘竿只
五寸止居則南狎越行則北聳燕淮陰劔三尺郎劔
五寸縣歸來報千金漂母是何人封侯劔不取却取
釣竿親。

吳季子餉我細腰壺蘆石上芝

葫蘆老細腰乃似細腰女卽令楚宮來今亦不堪舞
我聞方外醫庸以盛藥丸梧子及魚眼可容百萬千

老圃畜蔬種亦夠一項田我旣醜醫帳亦復少蔬阡
擬挂於扶老支吾五岳顛心強足不健終歲掩帳眠
止取作蒸鵝聊以謔客涎

又 幽沈古雅

芝朶雖不潤芝色堅且古根鬚絡拳石如筋蝕臂股
絡古不復脫初芽寧藉土石色旣已黃芝紫亦稍嫵
有如意魁梧狀貌乃婦女穀城弔老人淚下潛如雨
置我筆研間長與留侯語

大寒嶺啖新胡桃頻婆諸果

北游作

竒想

天險既已異地產應亦殊胡桃及平波朱碧明椒
入夏而徂秋葉翠尚不渝但少鳥與雀而多羸與驢
易水非不通灤河不爲迂但求一寸鱗如海求猿狙
遙想燕太子食客焉得魚以知荆高徒日嚼羊與猪
猛風增食肉嗔憤易睢盱慷慨赴秦庭不復顧其餘
乃緣謀略短豈真劍術踈舞陽一豎耳何乃與之俱
哀哉樊將軍空割一隻顱國有千乘大能用王可圖
乃恃五寸鐵爲計亦何愚

往馬水口宿煙麓陀庵

昔從良涿行茲山在雲際昨夕宿茲山雲乃出衣袂
四徒夾一輿兩膝奉至鼻一里轉百盤鋸牙不得直
結葦以爲廬削木冒金髻夜鐘但超懸晨雞聊一噉
巉巖旣高騫噴峴復孤厲回思燕趙時築城遏胡騎
安得盡如斯脫甲開戶寐

湘竹一妙管付截壞其頂文

快喻

武侯敗街亭馬謖違節制兵類迥不同大小俱是事
茲管湘中來百中其一耳有如玳瑁魚腦血徑彈子
又如鸞與鶴頂發楊梅紫全體匪不華獨此猶覺異

詎可拘尺寸。但須存紋綺。畏炎不得行。付托昧厥旨。
舉刀一鏗然。顛落不可止。持歸以復子。魚鶴不成理。
對之一捧腹。削圓方竹比。

口中

口中萬吞吐。莫道一俗字。芻豢離喙脣。冰雪滿牙齒。
身中百所爲。亦莫涉一俗。但爲鸞鶴翩。暮卽雲霞宿。
有斤不削人。有繩不直木。淤泥填大千。荷葉自抽綠。
從此戒爾後。慎莫蹈往覆。有如乖教言。斷舌肘其足。

騶虞

騶虞生猛虎。鳳凰產梟鷲。二聖有朱均。太虛亦青瑩。
纖纖妙膚理。盎然長疣贅。梗楠固鴻材。鍾斛溲其際。
橘柚匪不甘。豪蜩匝芒刺。美惡一何殊。胎孕乃非二。
越雞伏鷓鴣。卵變之苦無計。果羸秉何神。蝟蠅乃能似。

曇陽

作頌偈觀

曇陽一髻左道人。三朶花誰云。只是你安知。不是我。
大海徹呀冰。小生沒處躲。

又

聞道居絲竹。看來幻落花。團團輪北斗。處處種西瓜。

遍地皆祗樹何方不落伽

又

無鼻無眼孔有頭有尾巴蛟龍大蝦蟆蝌蚪小蝦蟆
一結生百結百些無一些

又

將軍騎健馬稚子打慈鴉各奔前程路都來暮鼓衙
同舟迷敵國驀面認通家

又

何事移天竺居然在太倉善哉聽白佛夢已熟黃梁

托鉢求朝飯敲鑼賣夜糖

又

明知騎竹鳳還道媚妖蛇可恕者落帽難饒者脫靴
一靈生滅已百吠是非耶

又

男女兼黃白丁寧囑再三特將鐵掃帚痛掃世媯貪
竊幸師與我不異青與藍

又

火龍長九九泥蛇八十一一物而兩呼兩呼只一物

將泥認外蛇見蜂硬割蜜

又

好人不在世惡人磨世尊聰明管自己關允任乾坤
遺命云聞帝多應是嚇人

又

獅子吼未歇蝴蝶霎已來衆生自矇矓抵死致疑猜
認賊由他去謗佛何爲哉

徐文長文集卷之四

終

徐文長文集卷之五

公安袁宏道中郎評點

占歛郝之璧子荆校訂

七言古詩

贈呂正賓長篇

海氣撲城城不守倭奴夜進金山口銅簽半傳鵬鴉
膏刀血斜凝紫花繡天生呂生眉采豎別却家門守
城去獨攜大膽出吳關鐵皮雙裹青檀樹樓中唱罷
酒半醺倒着儒冠高拂雲從遊泮水踐繩墨却嫌

采青春片。呂生固自有奇氣。學敵萬人非所志。天地
中峰翠色微。石榻斜支讀書處。

三茅觀觀潮

意似長吉却復清亮

黃幡繡字金鈴重。仙人夜語騎青鳳。寶樹攢攢搖綠
枝。海門數點潮頭動。海神罷舞迴腰窄。天地有身存
不得誰將練帶括。秋空誰將古概量。春雪黑鰲戴地
幾萬年。晝夜一身神血乾。升沉不守瞬息事。人間白
浪今如此。白日高高慘不光。冷虹隨日縈城隍。城中
那得知城外。却疑寒色來何方。鹿園草長文殊死。獅

子隨人吼。祇樹吳山石頭坐。秋風帶着高冠拂雲霧。

陰風吹火篇呈錢刑部君附書

八山

側聞公遠臨江滸。普薦國殤補化理之不及。
超沉淪而使脫涓收。揚鮮才歡喜無量賦得。
陰風吹火篇以獻附書別作四首兼乞覽觀。
率戲效李賀體不審少有似否別奉唐集一

部伏希垂納

較長吉神絃更悲黯

陰風吹火。火欲燃老梟。夜嘯白晝眠。山頭月出狐狸
去。竹徑歸來天未曙。黑松密處秋螢雨。煙裏聞聲

鄉語有身無首。知是誰寒風。莫射刀傷處。關門懸。稀行旅。半是生人。半是鬼。猶道能言似。昨時白日。牽人說。兵事高。旛影臥西陵。渡召鬼不至。毘盧怒。大江流水。枉隔儂。馮將呪力。攀濃霧。中流燈火。密如螢。饑鬼未食。陰風鳴。髑髏避。月櫻殘。黍幡底。颯然人髮豎。誰言墮地。永爲厲宰。官功德。不可議。

楊妃春睡圖

風流繡艷宛爾長吉

守宮夜落胭脂臂。玉階草色蜻蜓醉。花氣隨風出御墻。無人知道楊妃睡。阜紗帳底絳羅委。一團紅玉沉。

秋水畫裏猶能動。世人何惟當年走天子。欲呼與語不得起。走向屏西打鸚鵡。爲問華清日影斜。夢裏曾飛何處雨。

雲 快想自佳

暮天寶色珊瑚紫。海氣結雲雲不盡。瑤闕重關金鎖寒。枕席無歡帝妃死。百神走馬散曹吏。馬蹄踏空神各視。天孫織手裁素羅。總帳橫施九萬里。鮫人絲色光海波。海犀輸織一萬馱。神人買賻不足用。長髮散編呼諸娥。世人不解天上苦。羅帳錦箏圍日暮。換取

貂襴拂玉鞍，起向山南射黃兔。

萬里比隣篇贈嘉則

白藤織笈春花密，青袍剪水波紋濕。出門寸步卽天涯，
滌幃底牽衣絃。正急關山斷路不斷，雲吳刀割水那
得分。童華楊柳弄舊色，何地却少春申君。人生遠遊
須及春，青天能容七尺身。芳草長途去萬里，望望吾
家隨處是。

述夢

有古趣

伯勞打始開，燕子留不住。今夕夢中來，何似當初不

飛去。憐羈雄，嗤惡侶。兩意茫茫，墜曉煙。門外烏啼淚
如雨。

又

跣而濯，宛如昨。羅鞋四鈎閒，不着棠梨花。下踏黃泥
行踪不到棲鴛閣。

今日歌

是年書冠古比
山人薄都城

琉球佩刀光照水，三年不磨繡。花紫換錢解向市中，
懸我貴彼賤無人市。家惟此刀頗直錢，易錢不得愁
欲死。客問此刀值幾何，廣州五葛飛輕雨。乃今求市

不較量、但輸三葛錢、亦止千人十、往九不顧、向乃長
立折雙趾、一日不食、良已饑、兩日不食、將何以却走
異縣、告長官、往日停車、儻知己、平生自有孟嘗心、今
日翻思門下士、

二馬行

頓挫宛鬱

誰家兩奴騎、兩驄誰是主人云、姓宗朝來暮去、夾街
樹、經過煙霧如游龍、問馬何由得如此、淮安大荳清
泉水、曾排兩嶽橫、難羈尾、撒回毬、驕欲死、陽春三月
楊柳飛、騎者何人看者稀、梅花銀釘華帶肥、京城高

帽細褶衣、馬厭秦養人有威、出入顧盼生光輝、去年
防秋古北口、勁風吹馬馬逆走、對壘終宵不解鞍、食
粟連朝不盈斗、將軍見虜飽掠歸、據鞍作勢呼賊走、
士卒久矣知此意、打馬追奔值得錢、天寒馬毛腹無
矢、饑腸霍霍鳴數里、不知此處踏香泥、一路春風坐
羅綺、

送蘭應可之湖州

梅黃雨霽帶陰輕、送客西門驛路平、會多忽別疑且
驚、愁心應手絃、淒清荷花鏡裏紅、侵舫晴共競遊鱗

徐漾思君茗溪若天上空佇清歌對誰唱

觀獵篇

并序

蒼涼八古

王將軍邀予觀獵時積雨初霽飛走者避匿
予從將軍諸騎士牽狗出太平門抵海寧沙
上頃刻馳百餘里不見一雉兔而還乃割所

携鮮飲月唐寺中

茅刀割水嬌紅茜風偃寒梢臥長堰青林疎樹隔荒
墳白水茫茫看不見將軍本是北平豪記得依稀身
姓曹怕向揚州作貴客慣從下澤驟鳴鑣萬里秋郊

平似舸千騎圍中一是我箭叫餓鴟龍騰快馬趁鹿
逐麋解絲掣鎖耳後生風鼻頭出火自來此州殺賊
不暇阜鵬氣銷韓盧鬼墮昨見儒生衣長履大入揖
令公揮金不謝抽筆制詞彎弓輒射任釋挾屠劊牛
食鮮外枯中腴無所不可促騎請邀徵徒出野牽犬
莫遲見兔輒打儻遇大兕一發斷髀爲先生壽引滿
十竿健兒跪領將軍言翻身上馬去如煙寶刀映日
不足數角巾受風真可憐淺草平堤水痕聚萬蹄避
水移家去沙擁肥螯掠斫飛絲牽小豸當空乳漢將

窮追路欲闌。胡家旣脫避何難。今朝立馬祁連上。不見匈奴一騎還。

題侄子家所藏雙鳳鳴陽畫

海水動天天欲曉。天曉日炙珊瑚老。鮫人泣夜不得眠。早起來聽鳳凰叫。梧桐百尺秋雲際。竹梢覆水千
年子一飛一宿還。一鳴百神張樂鈞天啓。梧生誠亦
難。鳳出良不易。願以黃金鑄。梧樹莫教飛向丹山去。
閩南縞練光浮賦。傳真誰寫蒼厓鷲。生相由來不附

畫鷹

人綠韞空着將軍臂。八月九月原草稀。百鳥高高兔
走肥。煙中歛翼遠不下。節短暗合孫吳機。此時一中
貴。快意深林燕雀何須避。惟將搏擊應涼風。誰貪飽
纒矜山雉。昨見少年向南市。買鷹欲放平原轡。凡才
側目飽人倭。不似畫中有神氣。夜來鷗梟作精魅。安
得放此向人世。秋風一試刀稜翅。

贈歌者 綺色欲掩張籍

東風吹雨楊花落。清歌細遶鳴鐘閣。斗酒將傾客不
來。白日斜飛晚雲薄。回腰欲舞不得舞。試買羅衫倩

誰估

對明篇 所謂狂語不須刪

四明山高萬丈南爲姚邑面前屏北印新昌後門障
新昌有客身姓呂要與此山約爲王尺素馮將一穴
通屋後安窓小如許窓中有時颯風雨說是山靈教
送與夜來猛虎嘯一聲雄心枕畔風吹去長安花枝
高入天金陵有酒多如泉花留酒勸不肯任歸來只
愛窓中眠窓中有書積萬卷書書盡是山靈管有才
無命不干時亦對山靈同一莞聞道去年醉采石醉

去狂來呼李白散髮題書萬竹中騰身舞劍青天側
此時山靈失主人自騎青虎尋復尋肉眼那知神道
至主人自識交親臨榻來筆端自有神橫開醉眼雙
作嗔此時墨雨添江水此際詩花弄莫春好轉折莫春江水
渺無邊射策封書復幾年明珠不遇賈胡識寶劍難
酬夜色鮮詼諧漢庭方朔老如聞永謝長安道况我
今爲抱拳人蟻虱移家宮絮襖兩人會作青春身當
時同說不同貧君今幸不爲樊鹿亦似蛟蟠不得申
蓮花之峰亦佳麗君胡中道相捐棄邀我題詩對四

明我自貪君百壺，肯只恐蓮花喚四明。喜我亦付之一醉矣。

繼溪篇

海水必自黃河來，桃樹還有桃花開。試看萬物各依種，安得蕙草生蒿萊。龍溪吾師繼溪子，點也之狂師所喜。自家溪畔有波瀾，不用遠尋濂洛水。年年春漲溪拍天，醉我溪頭載酒船。一從誤落旋渦內，別却溪船三兩年。

北雲篇

君家樓北樓子山，大椿千年去不還。白雲一片松間起，游子相望淚如雨。殷勤夜烏莫更啼，東方日出煙生縷。

賦得百歲管花爲某母壽

二十年前轉眼事，憶共郎君醉城市。阿母烹雞續夜筵，夜深燭短天如水。我母當時亦不嗔，郎君過我亦主人。兩家酣醉無日夜，罈愁甕怨杯生菌。只今白首二十載，我母不在爾母在。八十重逢生日來，雙扉况復門庭改。我今破網未畚然，兩翅猶在彈丸邊。郎君

長寄書一紙阿母多應贊一言上壽誰人姓張者
裏萱花長不謝阿母但辦好齒牙百歲筵前嚼甘蔗

楚宗室雞將啄蟻畫 起語雅與

錦葵窠下雄雞白黃蟻有異飛終澆不應草葉更相
遮五寸荆軻下里隔王孫妙思快啖吞馬遷筆冲奇筆寫
鴻門當機對敵只如此翻令看者飛心鬼

沈川部善梅花却付紙三丈索我雜畫

長安街上塵如霧葛布眼眼風難度歸來掃潤索長
箋一束溪藤沈川部墨漿五合飽蒼蠅刺葉藤花掃

不成門前銅盞呼人急却是冰兒來賣冰乾喉似火
逢薪熟一寸入口狂煙滅自慚野卉不成妍刑部梅
梢如拗鐵

送陳君會試 宛所次筆有法

霜花作錢綴芳草折荷送客邪溪道荷乾葉老障啼
鴛不及梅花弄清曉折却梅花贈所知娥江東邊舜
江西封書七尺長髯客早晚長安白馬嘶長安白馬
去如雲杏花有情要逢君爲君留却花三載肯倩東
風嫁別人去年君來棘牆柵半醉不醉秋月白遺

海蚌顆三百瓦溝一一瑩霜雪。今年君馬向長安。我
無一絲挂君鞍。但飛一滴相思淚。萬里隨風到杏園。

天壇

高皇乘此馬。夕月令誤用之。
爲郊白雀事。見曹陽雜俎。

張公當時騎白雀。下與高皇共斟酌。一從九鼎向
幽燕。碧壇空鎖琉璃斷。古松舊柏黑成迷。綠瓦從中
一雉飛。楊雄不得陪郊祀。空憶當年執戟時。龍駒遠
自施羅來。閹平已死無人騎。却付羽林誰健兒。壓沙
五石緩其蹄。真人雄心老更雄。月中自控赴齊宮。
四十八衛萬馬中。一塵不動五里風。黃柏太苦蔗太

甘。盛時文字忘新尖。當時作頌甲枚馬。付與金華宋
景濂。

十六夜踏燈與璩仲玉王新甫飲於大中橋之
西樓

樹枝畫月千條弦。十五不圓十六圓。挂向酒樓簷外
邊。南市好燈值底錢。大中橋上遊人坐。不飲空教今
夜過。紅脂在口香在樓。那能一個到壚頭。青衫白馬
無聊甚。望斷黃金小鈿鞦。

六月七日之夕與梅君客生及諸鄉里赴涼於

長安街醉而稱韻得片字

長安白苧風吹斷。銀河瑟瑟難成片。楚人慣自唱陽春。一曲未終人已散。西內湖荷沒鶴長。裁笛不得只聞香。東方萬瓦寒樓閣。月照金鳩琥珀黃。

摩訶庵括子松下聽弦上人彈琴

上人號無弦云翰林人漸

與

括子松知幾樹黛色遙遙入雲際。上人彈琴坐其底。十指引山七條水。松清琴妙寒松葉堆翠。成高山流濤遶殿。撼鐵板獅子欲吼復不敢。泛聲忽歇浮

雲在緇孫一寸猿騰去。南園玉螺隔花聽。東海金鳩乘霧語。頽師一曲悲昌黎。我亦聞弦別鶴悽。悟來忽問無弦旨。指鳴弦鳴須答對。是不是。問太史。

謹雪

梅花一夜窓中見。昨冬少雪春無霰。寒來借景苦無多。窓小只須三百片。每舉枯杯對此花。只愁落盡是風沙。誰知滕六雖無賴。亦遣殘綉縞樹叉。一行分向朱門屋。誤落寒酥點羊肉。錦屏不使凍胭脂。飛絮落鹽絃上撲四條。觔急冷鷓鷯一二時。中肉作團豈無

一笠黃茅裏，僵殺巖巖。一甕莖初起，青蘋本亦同。大王畢竟是雄風，總令受者自分別。難道青天乘至公。

白鷗詩

閩南煙雨迷青嶂，孤雌挾子飛天上。却憶羈雄不得歸，兩漿深籠鏡波漾。片雪長梢向尾分，有時夢見武夷君。山長水遠無書寄，不及南飛鴻鴈羣。主人爲爾苦惆悵，開籠欲放非難放。矰繳鷹鷂何處無，萬里馮誰報無恙。

握錐郎

城西南，握錐郎醉臥人家樓上牀。樓上女兒髮未長，汗脫胭脂洗午粧。錐郎雙管肝正急，女兒一見走且僵。走向廚中喚爺娘，認是西家老鴿鴒。從來不亂雌，雄匹定是多爲麩。藥傷扶下樓，層梯十二明朝說。與都不記豆蔻孤香，依舊含葡萄。千日如前醉，我聞此語高。其人有迹無心，那可噴。東牆桃花各有主，肯使西家共個春。楚國才芳無宋玉，東鄰如花女獨宿。攀墻喚玉已三年，玉對楚王堅可憐。小臣不比登徒輩，似隔銀河路幾千。阮籍酣來眼不青，阮咸醒處夫春

鶉借馬追姑生奪婢因喪弔女哭無情哭無情笑有
態倒千金須一買即使囊空買不成韓香竊却未相
應罷繡豈少倚市門且須濁水澆乾唇投桃或可求
連理贈藥安知不消津烏雜配獸亂羣卓軫鳳皇生
逾賤韓塚鴛鴦死越芬青陵一曲崩高雲

星渚篇

昨夕夢見張騫至今朝忽遇婁星渚同是天河往復
還可會相識牛和女牛女迢迢河漢邊烏鷗爲橋半
月圓黃姑憐彼久離索折取瓊枝插作妍龍山盡處

深波白夜夜子來弄明月釣竿拂却珊瑚長波聲細
作琵琶咽此時子思橫不禁此際蕭郎繫妾心樓中
刻漏滴復滴月裏梧桐陰復陰婁子訝子醉欲去去
買鯉魚長尺許既教柳葉出娥眉更取花枝催羯鼓
鼓聲高急似鳴鼉星高月落奈如何依稀鷓鴣叫東方
白爲作迢迢星渚歌

無題

中秋作

黑雲風搓成細索皎月天開空霽落雲索條條有時
斷月皎夜夜同君樂杯酒壺觴不盡興坐到天明復

沽飲彩雲五色月染成添護蟾宮桂花影

廿八日雪

時綿被
被盜

生平見雪頗不歇今來見雪愁欲絕
昨朝被失一池綿連夜足拳三尺鐵
楊柳木葉花已飛造化弄水成冰絲
此物何人不快意其奈無貂作客見
太學一生索我句飛書置酒雞鳴處
天寒地滑鞭者愁寧知得去不得去
不如着屐向西頭過橋轉枉一高樓
華亭有人住其上我却十日九見投
昨見帙中大可詫古人絕交寧不罷
謝榛既與爲友朋何事詩中顯相罵
乃知朱轂華裾子魚肉布衣無顧忌
卽令此輩忤謝榛謝榛敢罵此輩未
回思世事髮指冠今我不酒亦不寒
須臾念歇無此事日出冰消雪亦殘

題畫

南海荔枝我曾喫今見雙鵬奪殘一
邊郎元是隴西人乃能畫此南中物
我聞南海之枝更絕倫却只聞之未
入唇不知雙鳥爭殘願只是海南還
是閩

鄭本白兔

似長吉樂府

噫吁嘻蝦蟇無翼能載弄妻宋鵲之捷
寧不能飛人

言日廣千里月亦如之七爲樓臺三爲坻吳罌斫桂
不得睡帝命牽犬而獵之婁金之宿徒有光芒趙簡
之翟旣以贈將罌兮持手不得獵下呼鵲也騰蒼蒼
玉兔告墓墓不得庇宋鷗上天玉兔下地

沈叔子解番刀爲贈

沈子報讎寒外行一龍使得千黃金買馬買鞍意不
慳更買五尺番家鐵鏤金小字半欲滅付與碧眼譯
不出細瓦殿中多狐狸京師夜行不敢西叔子佩之
只一過黃蒿連夜聞狐啼今年我從上谷行中丞遺

我聊癸庚買驢南歸只兩旬只愁馬上逢黃巾叔子
見我無所仗解刀贈我行色壯畢竟還從水道歸挂
在蓬窓兩相向一日十拔九摩孝鞘影鱗鱗入向河
須臾報道漁草外電脚龍騰五尺梭

客強予畫十六種花因憶徐陵雜曲中二八年
時不憂度之句作一歌因爲十六花姨歌舞

纏頭亦便戲效陵體川陵韻

東鄰西舍麗難儔新屋栖花迎莫愁蝴蝶固應憎粉
伴牡丹亦自起紅樓牡丹管領春穠發一株百蒂無

休歇管中選取八雙人。紙上嬌開十二月。誰向關西
不道妍。誰數關頭見小憐。儂爲頃刻殷七七。我亦遂
巡酒裏天。昭陽燕子年年度。誰能鏡裏無相妬。鏡中
顏色不長新。畫底胭脂翻能故。花姨舞歇石家香。依
舊還歸紙研光。莫爲弓腰歌一曲。雙雙來近畫眠牀。
予作花十二種多風勢中有榴花題其卷首曰

石醋醋罵座

風流一事

洛陽城中崔處士。花園麝起花妖至。封姨十八太顛
狂。石家醋醋新高髻。醋醋能嬌自帶半珊瑚。枝上織

皎。鮎明珠似月。搖難落。冰任黃魚白鰾膠。封姨身重
不能斤。翻杯濕却石家裙。初來競唱迎姨曲。轉眼翻
爲罵座人。朱唇粉帶山眉遠。愁來皺斷春蠶繭。石娘
嬌小不辭觴。夜深湖淺腮紅軟。金鈴不動仗崔徽。明
歲馮他十八姨。借問當時諸女兒。可似此中數抹藍。
燕脂噫吁。嚳胡蝶。灰黃蜂。錐封姨之風。豐隆雷。聞畫
圖。有與無。十八姨。胡爲乎。高陽酒徒。燕市狗屠。耳熱
之後。秦箏鳴。明日重陽。無錢可沽。十八姨。胡爲乎。
十指握鈎。五白呼盧。夜叉子都同醉。一爐十八姨。胡

爲乎

蟹 詩亦不肯工似

雖云似蟹不甚似，若云非蟹却亦非，無意教君費裝裹。君自裝裹又付題，世間美好人奪冒，略涉小醜推向誰。此幅難云都不醜，知者賞之不容口。塗時有神蹲在手，墨色騰煙逸從酒。無腸公子渾欲走，沙外漁翁拘楊柳。

王鷺亭鴈圖

本朝花鳥誰高格，林良者仲呂紀伯矮人信耳，輒觀

場只曉徐熙與崔白，崔徐一紙價百金。風韻稍讓呂與林，卽如此圖王鷺亭。云是剡溪雪夜人，鴈兒一掃六十隻，何隻不落青天雲。沙黃蘆白喜相逐，逸者飛鳴勞者宿，不須彭蠡泛扁舟。彭蠡湖今在吾目。

畫百花卷與史甥題曰漱老謔墨

世間無事無三昧，老來戲謔塗花卉。藤長刺澗臂幾枯，三合茅柴不成醉。葫蘆依樣不勝搯，能如造化絕安排。不求形似求生韻，根撥皆吾五指裁。胡爲乎區區枝剪而葉裁，君莫猜墨色淋漓雨撥開。

又圖卉應史甥之索 跌宕古快

陳家豆酒名天下，朱家之酒亦其亞。史甥親挈八升來，如椽大卷令吾畫。小白連浮三十杯，指尖浩氣響成雷。驚花螫草開愁晚，何用三郎羯鼓催。羯鼓催筆兔瘦蟹螯百雙，羊肉一肘陳家之酒更二斗。吟伊吾，送厥口為儂，更作獅子吼。

九馬圍人圖二困醉瀕墮

王元美為太僕卿時刻穆王八駿圖形如

蜺

穆王八駿西馳去，造父把轡為之御。此時八駿誰傳

形太倉老王太僕卿，刻石嵌在卿之庭。馬瘦尾尖，無肉頸長筋，綻抽蘭莖儼如蜺。蜺綠壁騰謂之為龍，特無鱗。此圖之馬乃九匹，却比八駿多其一骨聳肉勻亦奇物。老眼寧知畫者誰，摩挲却是孟頫筆。牧夫九人，二人醉醒者扶之，醉不墜。河南山東牧馬見汗酒胡葱，醉似泥。此時儻墮無扶持，馬且失矣。太僕管

完淳篇

人索咏其為字

七孔雖外交，誰令滑其裏。一朝一鑿之，七日渾池死。夫隗山上牧馬見軒轅，黃帝稱天師。牧見馮馬馬則

援伯樂治馬馬生巧噫吁嘻海若太倉之米莊生漁
上之魚紀消木雞之無敢應野老鷗鳥之忘其機萬
天無懷差可意盧敖汗漫長相思不周崩墮只下土
破天一角誰與補石頭五色爛如花女媧十笄高能
許君不見朱提着銅銀墮質心銀之鴈知何限蜘蛛
借雨詐驪豎絡緯將聲渾紡車巧則巧矣真則差鄭
君號完淳陳君請我說我謂淳之完辟彼雲中月自
雲自月自掃除高團依舊金蟾蟾

閩工某摹伯時昭君下嫁圖單于親迓之隨騎

士胡姬姬嬌而騎與單于竝猗健可畏鄴衣
結束文馬華旌及姬之靴帽竝妍綉可愛而
掌琵琶者尤勝胡決不辦此李蓋以意爲之
取悅人目馬三兒授賦賦之

毛奴索金嬌不予貌取西施爲嫖母一朝遠嫁作閨
氏不及宮斜一杯土奴也貌嬌故不真龍眠貌嬌相
隔千餘春朝風莫雪一萬里粉腮那得嬌如此故知
兩貌師彼此妍媸雖各別竝是以意而爲之人生無
處有不幸東脫網罟西亦筭漢宮顏色不及天子知

胡廷憔悴未必單于終始相親近。琵琶小妾百雙眉。
是胡是漢盡花枝。老羝夜醉葡萄酒。遍入氊帷知不
知。

朱次公讀書飛來山羣彥過訪携飲塔顛方拈

六韻擬賦雨至踉蹌而下漫聞次之

枕書小睡門開半客來。就榻彈書喚携壺。醉客相輪
尖。餓鶴窺舖攪雲亂。僧廚沸酒百蚊飛。雙棗沈茶紫
蘭微。酒罷書橫依舊睡。夢爲蝴蝶別花歸。

菘臺醋

飯諧請快

辣鼻作犀向月印。便啣鼻滂一尺長。十印九低頭作
鷲。才能一噓喚作霧。積年糟蠱爛人腸。霎從毛孔走
大荒。一戰笑受糟。僉降伯倫無婦堪詒左。誰持五斗
來賀我。戰捷知真却病不興。敗少渠真不可。西國葡
萄那得來。吾鄉豆醞逐家堆。黃公握曲千年返。卓氏
當壚百店開。新渦放水荷花白。舊棧濺珠黃琥珀。個
個軒聞切利天。人人夢到華胥國。華胥國。食醞醪。生
無熱。死無哭。孟公紫菘賽黃獨。綠臺大拇抽肥玉。一
澆一段魯微生。閉在春瓷餉醉人。一嚼一噓醉。一

醒來却苦多煩惱，醒固不惡醉亦好。

張旭觀公孫大娘舞劍器

羚羊海馬

大娘只知舞劍器，安識舞中藏草字。老顛瞥眼拾將歸，腕中便覺蹲三昧。大娘舞猛懶亦飛，秃尾錦蛇多兩腓。老顛蛇黑墨所爲，兩蛇猝怒鬪不歸。紅氍粉壁爭神奇，黑蛇比錦誰叩低。野雞啄麥翟與暈，一姓兩名無雄雌。老顛蘸墨捲頭髮，大娘幞頭舞亦脫。留與詩人謔題跋，常熟翁來索判頻。常熟長官錯恠人。

書茅氏畫

臺閣絲綸圖茅老將贈一貴人

小李將軍固名筆，輕描細染工如織。若圖臺閣與絲綸，界畫便須三十日。茅君揮灑無一塵，只如此幅自清真。瀟瀟數點江湖墨，寫出巖廊輔世人。

附畫風竹於箴送子甘題此

率爾語神轉蒼

奇

送君不可俗爲君，寫風竹君聽竹。梢聲是風還是哭，若個能描風竹哭。古云畫虎難畫骨。

漁圖

何人畫秋色，蘆花繡如組。罷釣睡孤舟，月滿清湘浦。

撒網打魚驚鴈飛釣竿閒挂冷魚磯醉餘正好割鮮
膾恠殺松鱸畫裏肥

壽王生

四十年前王國鳴紅帶編繩束髮青衆客對之俱含
情我亦把酒勸一觥欲引其答騎不應今來轉晴年
六十頭髮雖黑髭鬚白諸朋作壽鵝雙蹠我却龍鍾
行不得送看一格四柿朱令我白喫省我沽惜少方
闌唱鷓鴣方闌若在亦醜吾

沈將軍詩

沈以鼓吹
起行間

將軍者誰沈家郎學書學劍學漁陽呼臬喝雉疲夜
場月低日高曠竟忘軀幹雖小膽則姜十年從軍官
叅將殺賊歸來坐五羊明珠芡米側槃量買得綠珠
可姓梁一妻五妾愁專房廣西藤酒世無雙海南紅
螺不假鑲直錢雖少貴天生鸚鵡不談立酒旁文犀
玳瑁細碎粧龍腦續碎中央左縣翡翠玉蟲醬右
挂鏤金小鳳皇迴身未步身先鏘盼影入鬢斜月光
搜郎髭鬚郎吻張大卮小卮響喉隴池中豈少雌雉
鴛安得老鶴專頡頏郎誰與歎思邊疆誰者換馬

鄴媚。盧龍將軍急才良。見郎謂何用不臧。且試鎖鑰
扼背吭。分道密雲汝往當。漢家猛士守四方。洗郎洗
郎不尋常。我思古人等鴈行。吹簫者誰勃丞相。

春野圖

北門之外多佳麗。白水茫茫遠天際。中有幽人春野
翁。摘荷採芰紉衣袂。春野讀書曾萬卷。只今一字不
欲看。只將元氣手中調。不許紅塵眼中散。昨者鑄鼎
鍊九還。吾欲從之乞一丹。青牛在田不肯語。輕策大
笠天將雨。

劉雪湖梅花大幅

風氣散逸

梅花自是花中魁。畫梅花者今數誰。雪湖劉子故不
俗。未畫梅花先寫竹。花梅條竹兩相於。直餘橫梢鍊
不如。最好片雲遮。一林尤宜大雪踏。孤驢我與劉君
相見初。較量長短皆髭鬚。固花少讓元章筆。發翰元
章不若吾。捉筆呼煤將發餘。閉門自不令人看。須臾
歇筆乃開門。一掃槎枒三丈絹。我客金陵訪畫梅。畫
梅莫妙盛行之劉君。放逸不可羈。一劉一盛無雄雌。
我今白目題梅畫。恍忽如夢羅浮夜。覺來香風覆我衣。

帶花下美人是何代。

洞巖入鼈口有石枰石橋及石池諸景

洞梁高負泥沙惡一軀巧骨畏痴鞞昨聞已是三十年今夕張燈始捫摸初疑螺尾不可梯再進再折無盡期魚腦別波枯未已蜃脚逢沙澁懶移人言此語得大槩却須請君說細微桃根倒壘蟲嚙久蜜脾不挂蜂歸稀二洞三洞止一隙解衣臥洞身投鼈三洞之門日盤蒼枰爛斧或有人石橋浸影終無月當時蔣侯身不死一去親費五日米遙聞櫂響送江船頭上恐

是錢塘水

僧云洞巖寺及田地俱鄉人蔣二舍其探洞事如此今鹽橋蔣相公是也

避秦

豈直武陵隈何事桃花不出來星河作影當歸路疑是淳于夢大槐

蘭泉篇

白虹細細三千尺蘭苕葉葉垂青碧百草諸芳不敢吹惟有湘洲杜若與之齊浴蛟飲鹿無不可漱齒洗耳隨君宜

徐文長文集卷之五

終

